


11+10



三十四

書

成化十九年至廿三年



國權

鹽官談遷孺木著

癸卯成化十九年

正月酉分守欽州東路左監丞楊雄左叅將都督同知盧欽私

忿相訐上切責之

己亥禮科給事中魏林榮行人莆田黃乾亨使滿刺加國

還舟溺於洋嶼並死有善水者脫走安南以告初羅利者貨

過重故舟壞千餘人僅還二十四人

壬寅命四川歲輸茶十萬斤於陝西茶馬司給番僧免其候

甲戌伏羌縣地震六十日

襄城侯李瑾役萬人脩大慈恩寺塔舉入主兵工命階三

乙亥立豐盈倉於豐潤縣貯歲餉

免平涼去年田租

召甘肅左副總兵康永還京永忤總兵官王璽引疾

丁丑傳陞尚衣太監廖屏從子賢為錦衣正千戶

二戌寅分將莊浪左叅將署都督同知魯鑑為甘肅副總兵

己卯王憲嗣靖遠伯

庚辰夜月犯亢宿

辛巳故御史贈大理寺丞鍾同子趙廕通政司知事

給工部文思院大使羅祥等二十五員牙牌江莊例亦牙牌

無上特予之

甲申河南永寧縣有天光化為白氣俄天鳴如雷

丁亥俞欽服闋仍兵部左侍郎

己丑進邱縣為州

辛卯戶部尚書翁世貴致仕進太子少保勅賜月廩二石役

三四人是舉也朝恩以為渥

壬辰命私闖三十人戍南海子

吳月傳奉官六十六人

三月未署欽天監太常寺卿童軒引疾乞調勒致仕

丁酉分守萬全右衛右叅將都督僉事孫素訐指揮使李賢

失實下獄

己亥楊守隨服闋仍應天府丞

庚子禁勢家中鹽侵商利時內官王鈞令家人中河東鹽二

萬四千引不許

壬寅工部郎中徐九思為南京右通政翰林侍講陳音為南

京太常寺少卿

夜月祀軒轅

癸卯召太子少保兵部尚書余子俊

甲辰右都御史戴縉為南京工部尚書

巡撫河南右都御史孫洪以周府儀賓劉宣許奏按之多役

部民作器物下洪錦衣獄

乙巳四川大掌壩印部天全六番賈昂等寨番作亂命巡撫

孫仁勦之

己酉曉刻月食既

辛亥通政司右通政滿禮服闋改南京

前刑部尚書董方平方沂州人正統己丑進士授大理寺副
明法律頗任恩怨好刻急不甚飭守贈太子少保謚襄敏
壬子耀武營都督僉事劉能卒

癸丑逮前巡撫宣府左僉都御史鄭學以虧餉也

甲寅前南京禮部左侍郎章綸卒綸字大經樂清人正統己

未進士授南京禮部主客主事景泰初進儀制郎中陳太平

十六策懷獻太子薨請復三沂王下獄天順初擢禮部右侍

郎己失石亨楊善意改南京尋改南京吏部秩滿轉禮部左侍

郎致仕年七十一贈禮部尚書謚恭毅

乙卯初欽天監天文生張昇請改曆測象下禮部而欽天監

泥之亦果行

丙辰設四川璧山縣蓋古縣去巴縣三百餘里

辛酉陝西隕霜

壬戌嘉祥長公主薨下嫁駙馬都尉黃鏞年二十五

是月傳奉官十餘人刑部主事郭宗為尚寶司少卿善刻進士

內臣引之口與市人賤子

癸亥朔金星晝見

己丑知縣朱福唐韶吳淑為試監察御史

四

丙寅兆岷地震無歸是地為震

丁卯工部右侍郎胡睿卒睿長垣人天順丁丑進士通敏有

才以善江直驟顯

己巳巡撫陝西左副都御史阮勤請修岐山周公廟咸陽周

公墓沔縣漢諸葛亮鳳翔宋范仲淹藍田呂大忠大臨大鈞

祠從之周公墓歲二祭餘一祭

庚午太常寺帶俸少卿沈政請聚天下財貨充府藏 上怒

其悖杖之下錦衣獄謫鎮安府通判

壬申特封朝鮮國王李婁長子愷為世子嘉李婁恭順也

甲戌撤馮晃罕及亦思罕地面等入貢

丁丑免河南去年災租六十六萬餘石

辛巳知城等縣地震

己丑右副都御史李裕為右都御史左僉都御史屠滂為右

副都御史

漢寅刑部尚書張瑩等奏逮錦衣帶俸正千戶郭勇下獄勇

戚畹也以家人爭田株累下止後知之釋勇責瑩等皆伏罪

原問主事周鵬下錦衣獄

五其月傳奉官二十餘人

五朔辰朔起都督僉事周賢充副總兵協同總兵官王信鎮守

湖廣

王事同歸

不歸

兵部尚書張鵬等校試天下將才

丙申傳陞太常寺少卿顧瑛為寺卿

辛丑免六合江浦去年災租

壬寅大甯亦思馬因為北水敗走遺細弱孕顏三衛携往海

西易軍器遠東巡撫王宗彝購九人入京分賜太監懷恩等

甲辰廣西洛容縣地震

丁未減浙江銀課三分之一如成化三年例二萬一千二百五

計金

壬子夜月犯壘壁陣東第二星

六癸丑兗州大雨冰

鎮守大同太監汪直報欲大舉乞將臣故所統達官都督

盧深等一千一百人無程赴援兵部議時方盛夏師難久戍抑

大同各邊壯馬計四萬足守禦第謹備之且京軍差役疲困

銳氣消阻乞罷遣詔可保國公朱永亦言團營見卒九萬三

千四百有奇各處更番赴工者五萬二千下場者二萬四千

六百操練僅萬六千七百八人勞逸頻繁不遑蓄銳即馬匹亦

敬啟遠郊恐警急卒生難以調集乞暫止回營俟調遣上
令止京倉之役大慈恩寺趣江下場蘆溝隄岍并通州倉繕
治畢即休舍之
七外南京太常寺少卿楊導卒導少師士奇子博洽能文
是明傳奉官十餘人太常寺丞趙玉芝母得封勅玉芝以左
道童進歷任未手年也

六胡成朔軍人章瑾為錦衣衛所鎮撫

丙寅楚府通城王季堽薨年七十一謚榮順

前南京工部右侍郎程萬里卒萬里華容人天順元年進士

雖善議論素乏清譽止予祭

丁卯茂州地震

戊辰前太子少保戶部尚書翁世資卒世資莆田人正統壬

戌進士有幹局才思通敏頗侈靡不歸小節其自衡州守驤

用鄉閭力也贈太子少傅予祭葬

己巳前南京工部左侍郎郝璜卒璜光州人正統壬戌進士

有吏部郎天順初以陳汝言進

庚午福州大風雨壞廬舍覆舟溺千餘人

癸酉沈謀嗣脩武伯

七亥潞州大雨雹

調鎮守大同太監汪直於南京御馬監直既放邊警輒數
犯邊得漢人報毒害之皆以執仇為詞上固疑之會巡撫
大同右僉都御史郭鏗奏直與總兵官許寧嫌隙寧則恐直
見凌直則忌寧相軋猝值寇且備邊事兵部言其後忌遂勅
責調南京太監蔡新鎮守大同簡顯鎮守宣府先是直勢傾
中外附之即榮忤之即譴天下重足一時士籍趨走其門巡
邊之役所至都御史鎧甲戎裝望塵伏道須過乃與至館易
褻衣帽叩頭監道出半聽有如役隸其熏灼如此至是道出

陽曲有司皆避匿不見困臥驛館孤燭夜熒而已定州知州
裴泰嘗容直善供具直悅之適泰以事至陽曲直向泰求食
曰吾非復曩比矣工意且不可測為語陽曲公詰卒騎使
就道足矣

談遷曰神龍不可脫於淵猛獸不可脫於林勢使之然也
外入主生長深宮耳與宦監習盜威福伺怒喜因其近幸外
廷母得聞焉伏生狎生奸至於奸而國始蠹矣汪直年
少矜寵倖功越在邊陲久離宮掖彼內臣紛者何限各
思乘間而出其右耳目漸移顰笑互中雖有異眷豈能要

其終哉直之外鎮也直自失計耳向使歸自遼左載影禁
申天門沈心疇得而窺之雖然直而內也又不止南諳矣
遲發則禍逾重直之失計或直之厚幸也

夜大星自雲中流近濁

丁丑總督兩廣軍務右都御史朱英等奏桂林平樂等蠻賊
總兵官陳政等部分漢達官軍士兵並進攻破黃姜桂山等
峒計有六擒斬二千一百二十四人上勅勞之

庚辰聞警命太監金鑪新寧伯譚祐等簡閱京營俟調先
令游擊將軍馬俊以三千人往已命安順伯薛瑤駐永平都

督同知白瑜駐密雲各領三千人都督同知白金克右參將

歷邊關大理寺少卿侯鍾往保定真定

監察御史徐鏞等言軍旅之興倚辦芻糧比歲諸邊倉庫費

出無經言及出師報云糧乏聽征之馬則第夫草無備甚矣

請勅戶部悉心規畫尚書余子俊等覆曰洪武永樂時以天

下歲徵給邊餉歲外尚有餘積自正統末京邊添調數多無

事之時俱給糧草而民間田地又多詭寄故賦稅日減供費

用虧且水旱虫災歲賑有常例在還官令並概為赦免鈔錢

鹽三法乃國家財源胡椒蘓木俱官使俸銀之助今並沮廢

此何得不優將來請自今凡賑濟通負之糧第從緩征若頒
恩詔則如右者賜明歲田租之法行之凡諸詭籍悉令改正
而踏勘災傷則使風憲官同軍衛有司訪察勘奏分巡官使
兼理糧草巡鹽巡茶管屯官使歲滿具報本部而其原在
朝廷務本而節用也 上善之

丙寅曉刻金星犯軒轅星

丁卯勅大理寺少卿侶鍾巡視保定涿易真定

戊辰陝西按察使左鈺為右僉都御史巡撫遼東
庚午大同都指揮劉銳等擊石佛寺越二日指揮趙伯章

等敗之

壬申巡撫宣府右僉都御史秦紘總兵官周玉都指揮孫成
等擊勝之賜獎勅

癸未寧王奠培與弟石城王奠堵訐奏各減明年歲祿三之

一 是月傳奉官十餘人高士主應椅得貶封如文職

七 朔午道錄司右丞靈高宗諒右玄義史宗信等偽云丹雲神

降河表生欲進御而覺宗諒等削籍

丙申夜大星自奎宿流大陵

戊戌傳陞大常寺丞趙玉芝為寺卿

庚子宣府地六震

左春坊左諭德張昇翰林侍講商良臣主試應天

甲辰增四川布政司參議提督銀課初會川衛密勒山銀

課萬三千五百餘金礦夫六百餘人止而復開蕪開沙卧山

而會川距成都二千餘里太監蔡用請分司提督

丁未皇太子祐粹生母敬妃王氏生兩月殤

萬餘騎犯宣府煤峪口越山而南大掠大同總兵官許寧

等督戰數合比莫歛兵相持詰朝三萬騎突至官軍失利

寧謬以提聞得獎勅

辛亥太子少保兵部尚書余子俊召至改兵部

壬子禁收稅糧餘價

癸丑武平相陳能卒

丁巳錦衣衛千戶姚福員請獻青二縣庄田不許

戊午擁象薄大同城馬鋪山參將劉寧以三千人值三

百騎擊敗之駐懷仁

己未保國公朱永為鎮朔將軍總兵官出大同禦太監蔡

新監軍右僉都御史郭鏗贊理軍務永請益士卒萬人薦左

都督范瑾可恭將從之先發五千人尋命都督同知李俊充
游擊將軍

光祿寺卿艾福加禮部右侍郎

八月戊午由水峪村入掠許寧等分擊之宣府副總兵江山兵

至乃北走擒十人斬十五級

癸亥太僕寺卿楊穉少卿霍貴俱劾免遼東巡撫 都御史

王宗彞降 布政司左叅議予告

南京應天府尹魯崇志卒崇志父右僉都御史穆天台人登

景泰甲戌進士授吏科給事中寡言笑性不苟合有徵賦之

賜祭塋

甲子命巡撫山西右僉都御史邊鏞增兵戍守各關隘

七月太常寺博士王相行人呂璋許潛向榮許璘知縣唐相

陳景隆暢亨陳璧劉憲鄒魯賈銳王嵩紀傑楊璉為試監察

御史璘傑璉俱南京

復犯大同乘勝入掠鴈門紫荆等關真定保定人多驚竄

延綏副總兵李興敗三百餘騎於朔州駝梁參將蒞鑑亦

敗之錢家嶺

兵部議令宣府總兵官周玉將二千騎合大同總兵官許寧

擊之仍勅太監簡顯右僉都御史秦鞫練兵防守其他諸將
俱令協守赴援選重臣二一自居庸關抵龍泉關一自古北
口抵山海關歷視險易而區畫之 上曰然遂勅侍郎李衍
何喬新巡視 南京御馬監太監汪直等奉御威寧伯王越除名流安陸
南京工部尚書戴縉錦衣帶俸指揮使吳綬俱削籍工部右
侍郎張願勅免時監察御史徐鏞等極論直奸惡乞明正典
刑籍沒家產為奸臣結黨欺國之戒命會官廷議俱請逮治
上曰直等結黨亂政欺罔弄權開啟邊隙排擯正直引用

奸邪當置顯侈姑從輕典

復馬文升強珍項忠職予致仕陳鉞家居置不問保國公朱
永有與王昂與敗

朱國楨曰國朝內監之惡顯於王振別託稱其起儒學能
戢同類塗土木滔天之罪一死未足塞責 英宗猶追思
立祠豈有他長河結臣眷想當日承平既久大臣皆老於
位日浸潤媒孽取信汪直巧黠亦用此法而加甚為凡小
人能乘人之所暗聲色貨利是也尤能乘人之所明耳目
齒頰是也天子居高聽卑喜聞外事而其入又以小忠小

信固固遂落其計覺有遲早禍有淺深惟大舜能察邇言
聲入心通善而謂惡是而實非毫厘千里本不易辨况其
言是其人非更有權衡必不能惑蔣琮有誅李牧省之功
肆毒於南其伎倆與直相上下至瑾而極至逆進而更極
振瑾沒於萌餘三人獨石耳琮有閱臣居中能奪聽否能
奪權罪止南遷逆進并太阿竊之閱却而下皆為之用故
其禍尤烈中間百年安靜 肅穆神三聖之識卓千古矣
鄭曉曰威寧出塞俘敵甚多自永樂以來唯此奪其氣一
時群臣忌功而方誣訛皆非實事也汪直自故憚威寧威

寧不峻拒之亦未為過後人乃以威寧比陳弑何其忍也

丙寅翰林學士倪岳侍讀董越主試順天

壬申劉銳合宣府總兵周玉等敗 衆三千

乙亥巡撫寧夏右僉都御史賈俊為工部右侍郎順天府尹

張海為太僕寺卿

太監懷恩戶部尚書余子俊閱團營兵蓋擅賄賂買閒應役

權要之弊

寧夏總兵官神英移延綏南京後軍都督僉事王受充副總

兵鎮守廣西

丙子參將劉寧等遇於柳林卻之追至小鵝鵠谷及龍王廟溝皆有功監丞宣和散同周玉副總兵江山等敗之大鵝鵠谷共擒八人斬七十五級

丁丑巡撫陝西左副都御史阮勤為兵部右侍郎戎寅分守延綏左參將署都指揮僉事岳嵩為署都督僉事總兵官鎮守寧夏

己卯禮部尚書周洪謨上言藥矢拒上以有神槍不允甲申南京大理寺右寺丞崔讓為右僉都御史巡撫寧夏丙戌湖廣左布政使鄭時為右副都御史巡撫陝西

庚寅前軍都督府初逸

九月辰誅妖人王臣臣錦衣衛千戶善妖術及百戶王完等從

太監王敬使江南凌轢官吏稱詔括取奇珍多索美女汚之

勒蘇州諸生錄子平遺集諸生忿而擊之巡撫王恕以聞詔

責敬已命太監段英來造藥梅冰梅怨又奏止之紉及敬至

是還京東廠太監尚銘發其事下都察院獄得實斬臣梟示

江南故戎孝陵衛王完等成開原肅州

甲午授貢士新會陳獻章翰林院檢討許歸養獻章弱冠舉

正統進士科三上公車不遇却師吳與弼歸白沙閉戶靜息

十年恍焉有得游太學祭酒邢讓使和揚時此日不再得詩
驚嘆曰真儒復出矣羅倫莊景皆定交給事中賀欽遂師之
南還學徒益衆廣東左布政使彭韶巡撫右都御史朱英各
薦上吏部以獻章聽選監生檄致之入京求回籍養母特授
檢討以歸學者稱為白沙先生實錄謂以十絕句媚梁若自
元禎筆三世貞史乘攷悞云其詆陳亦甚第不自載十絕句媚梁若事

崔銑曰竊思儒道衰於我朝前輩若文清公吳康齋胡叔
心之三子造誼各等然篤學裨身庶幾儒矣成化中乃有
陳白沙起於嶺嶠矢志科場乃擬異學之緒炫以自居槁

首山樊坐收高譽近日效之者變異橫發恬無顧憚誕言
偽習錮害人心講論之悖不足與較矣

何喬遠曰予讀國史載獻章之學無以喻人嶺海宿學有
仕於朝者皆不之許獻章授官之後稱病不謝而去途中
擁騶從列文掣揚得意聞者咲耻疑而不信取獻章所
著書讀之而後知獻章也後車數十乘從者數十人古人
舉動亡也久矣末世耳目宜自異也所謂嶺海宿學謂丘
濬耶

談遷曰丘仲深不甚稱陳公甫容有之仲深辨博一時無

兩公甫主靜則門徑異矣公車疎賤吳子傳布衣也應聘授左諭德公甫孝廉也應召授檢討尊德樂道比隆三代而好事之口輒有餘議至譏公甫謝梁芳十詩此何異許由竊逆旅人皮冠哉東湖獻嘲北山騰誦今雖有華渭誰全之也

夜金星犯左執法

己亥雲南木邦宣慰司下孟密曩罕奏木邦侵擾乞別立安撫司命太監覃平右副都御史程宗往撫諭之宗受萬安私喻議右孟密巡撫吳誠言不可宗怒曰內嘆此久正謂若

不能任尚敢爾宗率鎮巡就見曩罕奏於南牙山予坐曩罕美知其意略不及木邦且求他地宗皆許之奏孟密歸地實未嘗歸木邦也自宗右曩罕美盡屠木邦至掘罕犯法先塚奪金牌信符西南夷切忿之益輕中國者跋扈者累年

史臣曰宗雖承安風旨使當其時苟能以大義折曩罕美之叛必欲退其侵地然後以官昇之猶之為近貪乃懦不敢出一語而汲一奉之惟恐失其權此所以遺無窮之患也

田汝成曰孟密之亂譬諸蔓草樹以中官而灌以閣輔日

益滋長雖欲芟刈不可得矣
劉鳳曰宗以庸、致位顯榮無足言者特已命使出疆得
專斷不俟報而西南事乃從中制貪者兆釁數年所殘傷
不勝計且使輕中國恣其桀傲決夷夏防慎哉後所以馭
荒服其無以浚利之臣也

甲辰命延綏副總兵李璵以二千人駐大同左衛左叅將范
瑾宣府副總兵江山以千人駐大同都指揮祝璋等駐懷安
游擊將軍馬俊駐天城都指揮吳瑣領京兵駐陽和各防胡
乙巳夜月食又大星自天倉流近濁後三小星隨之

丁未僧錄司左覺義繼曉乞旌母朱氏孝行從之其母故娼
也

戊申封祐欄都梁王聰涓樂昌王聰汪吉陽王當從魯世子
當涓高象王詮鉢靈川王詮鉞唐山王

己酉禮部左侍郎徐溥兼翰林學士仍佐部
庚戌遼府肅寧王恩銘薨年三十一謚悼靖
辛亥脩赤斤衛舊城并發粟賑番人

壬子翰林侍講李東陽為侍講學士

癸丑初慶成王府鎮國將軍奇澗降庶人守晉恭王園至是

晉王鍾鉉請徙汾州守其祖慶成莊惠王墓從之

右都御史李裕右副都御史屠瀟奏太監汪直偏信兵部尚

書陳鉞錦衣衛指揮吳綬報怨仇良右副都御史牟倅被誣

至謫死翰林院侍講學士江朝宗以倅親調外巡視遼東兵

部左侍郎馬文升巡按御史王宗之強珍俱忤直謫戍調官

給事中趙良張善吉工部主事方賓御史沃穎張銳陳遵教

按察副使王齊亦忤直官校枉下法司被綬文致或坐除名

或坐遠調今直罪已露乞復諸臣故秩并賜召還 工以裕

等煩擾責之不引罪各停俸半年逮經屢奉晟下獄

丁巳夜大星自天市垣派近濁

己未夜大星光燭地自天苑流近濁

是月傳奉官十餘人上林苑監錄事邵文為蘓州通判

十月亥錦衣衛帶俸指揮使王時除名隨父越編管安陸

丁卯金吾帶俸都指揮使盧欽為都督僉事

戊辰荆府都昌王見潭薨年二十四謚懷順

壬申南京太僕寺少卿于冕為應天府尹

召朱永還京

馬俊白金所統兵令太監蔡新都御史郭鏜節制

癸酉兵部職方郎中劉大夏為福建布政司右叅政
戊寅撒馬兒罕貢獅使臣求賞如永樂例命加幣五使臣又

加二幣餘人幣一

右副都御史程宗巡撫雲南時吳誠卒宗適在孟叅也

庚辰傳陞通政司右通政李孜省為左通政

夜月犯軒轅星火星犯氏宿金星犯房宿

前南京工部右侍郎李養卒養立縣人

性敦厚年七十五

壬午傳陞僧錄司左覺義繼曉惠昇為左右善世

前太僕寺卿楊勣卒勣咸寧人

貢士在太僕最久

人安之

癸未太子少保禮部尚書張文質服闋署通政司事

定竊盜三犯律

甲申懷恩余子俊上團營兵數十六萬八千有奇

丙戌太子太保左都督趙勝封昌寧伯歲祿千石

是月傳奉官三十餘人巡簡董紀為上海主簿致仕

知

縣子寶為太常寺少卿

十一月丙申周府項城主子堰薨年五十四謚恭和

戊戌翰林編修王臣為侍講

庚子夜月犯太陰星

己酉東垣主見頃押蒼頭吳安童為淫戲欲毒其妃不果
上切責之戊安童邊衛

夜月犯靈臺上星火星犯鈞鈴下星

壬子夜火星犯東咸星

癸丑傳陞太常寺少卿凌中為寺卿

夜大星自柳宿流天稷二小星隨之

甲寅吏科都給事中王瑞等言爵賞天下公器帝王所以驅

策群臣制馭四海者也祖宗列聖法古為治設官分職各

有定員自非功德才能難以俸取納粟冠帶起近年然亦榮

身而止俸竇如達驚榮若市恩典內降始第京師藝術之人

今則漸及無庸胥吏矣武階蔭叙始第內使有功之家今則

溢於外方白丁矣列文階者或待選未到便得授官或外任

雜派驟遷京秩除授有司戴武弁者世襲錦衣虛擔伯爵廡

養賤夫市井童稚並得資緣蓋名器之濫至此已甚臣等伏

覩英廟復辟之初懲景泰間俸用者多率皆黜罷皇上

初御察天順初冒功者衆一切省除史冊書之天下頌之伏

乞斷自宸衷悉行革絕又三載黜陟各官賢否布按二司則
據撫巡等官揭帖餘官據布按二司揭帖或毀譽失真弊端
不一乞吏部榜示凡揭帖失實連坐之上報可

監察御史張稷等言比年以來末流賤技參廁卿列屠狗販
繒躡踐華貫靡識一丁濫班鷺蓋不挾羊矢雜咏兔且身起
布韋驟登金紫資淺歲月累晉秩階或有父子同堂而坐亦
有兄弟分署而居甚至逃軍逃囚易姓名而冒進賍官賍吏
隱罪過以求榮一日而有數十人得官一署而有數十員帶
俸幸進大開奸計轉熾至有見任視事外補親民者未派已

極朝綱何在伏望 皇上大彰公道一清仕路以昭盛世平
明之理 上曰然命今後奏授希進者罪之

丙辰夜大星自天中流雲中

十 二月 丑故禮科給事中

林榮贈都給事中行入莆田黃

乾亨贈行人司副各賜祭廕子入太學以使滿刺加還羊嶼
風覆舟死

壬申夜月犯五諸侯星

癸酉遼東措置邊儲戶部主事王佐奏近年文武官遷轉多
拘資格武臣任使多出請求是以汚吏債帥比、而是乞吏

兵二部嚴選各分三等文官則有守有為一等擢之守有餘才不足為二等仍舊任若拘守為三等僅降謫下此則罷之武官勇略優長為一等使禦邊庶能為二等使署事才力不及為三等使城守下此則調用然慎簡乃僚又在大同科道工以其泛械入京

通事錦衣衛正千戶王英為指揮僉事

甲戌連東鉄嶺衛軍方賢乞免伍從之授御醫致仕

乙亥蠲太原平陽夏麥九萬三千五百餘石

戊寅命太常寺卿趙玉芝奔喪復任

甲申刑部左侍郎杜謙復任刑部右侍郎盛顯改南京

丙戌傳降于寶凌中為寺丞鄔存中為中書舍人左通政李

孜省為通政司左叅議劉恂器黃謙孫佐錢通劉鍾邵文董

紀周進洪迪俱奪官回籍母匿京師朝論快之明日大雪

丁亥錄宣大功總兵官署都督同知周玉為都督同知署右

都督左叅將都督僉事劉寧為都督同知副總兵署都督僉

事周璽為都督僉事餘陞賞有差

戊子夜大星自氏宿流近濁尾跡炸散

是月傳奉官百六十八

甲辰成化二十年

正月庚寅京師地震東盡遼陽西至宣大地皆震聲如雷宣府地裂涌水天壽山密雲古北口居庸關等城堡墩驛多潰裂壓死人

壬辰勅群臣曰朕夙夜政理治効未著地震京師天戒至矣齋心滌慮省愆脩德爾文武群臣宜各痛加省改懋稱厥職以毗朕心

監察御史徐鏞何琬言 皇上省躬脩德勅諭群臣罷貢獻慎獄刑凡百事宜條示施行茲者大禮慶成故事有宴乞勅禮部暫免以比古先生遇災戒膳徹樂之意 上曰此祖宗

定制鏞琬不諳大體下錦衣獄謫鏞鎮原知縣琬 知縣

是年監 趙時春曰 七行 劉李 適歲饑鏞躬閱

實以時 作藥之全活萬

計造水車百餘輛汲水灌田再歲災益甚除盜繕備邑政咸舉

趙時春曰善子尹鐸之事趙歎也曰將為重然乎抑為保

甲辰成化二十年

正月庚寅京師地震東盡遼陽西至宣大地皆震聲如雷宣府地裂涌水天壽山密雲古北口居庸關等城堡墩驛多潰裂壓死人

壬辰勅群臣曰朕夙夜政理治効未著地震京師天戒至矣齋心滌慮省愆脩德爾文武群臣宜各痛加省改懋稱厥職以毗朕心

監察御史徐鏞何琬言皇上省躬脩德勅諭群臣罷貢獻慎獄刑凡百事宜條示施行茲者大禮慶成故事有宴乞勅禮部暫免以比古先生遇災戒膳徹樂之意上曰此祖宗

定制鏞琬不諳大體下錦衣獄誦鏞鎮原知縣琬知縣

是年監察御史武昌徐鏞誦陝西鎮原知縣適歲饑鏞躬閱實以時賑給招派移擇薪水便舍粥之疫大作藥之全活萬計造水車百餘輛汲水灌田再歲災益甚除盜繕備邑政咸舉

趙時春曰善乎尹鐸之事趙歎也曰將為重然乎抑為保

障乎歎曰保障哉尹鐸損戶口卒免智氏之難鎮原邊塞
要地以財賦則不足為難助以保障則元載楊炎二李繼
隆繼和策之甚詳而宋人儲泉害粟最衆至徐鑄治縣衙
尚得藏錢百萬於地中以救荒舉百廢一無所私由是名
大振致位都御史民到於今稱之嗚呼長民者其尚為保
障哉

遣樂舞生十八人齋香帛祭岳鎮海瀆等神免脩理沙河行
殿橋梁工役官軍五千人停各處燒造磚料減貢應三分之
二

蠲大同去年定租十一萬四千石有奇

欽天監火

吏部大計罷斥三千五百餘人

減雲南歲辦銀課三萬金四川五千金

乙巳 英宗睿皇帝忌辰 上祭奉先殿遣大臣祭裕陵返

朝顧左右曰 先皇奄棄天下忽二十年今晨行禮追念因
極感傷於懷泣然泣下不能自已

己酉陳選為廣東左布政使

署東廠事司禮太監尚銘有罪屏南京尋追械還將窮治之

不果第令南京守備太監杖之百戍孝陵種菜

吏科都給事中王瑞等奏尚銘舊為太監汪直所引得入東

廠近為太監李榮蕭敬所引得入司禮監榮昔使大同嘗黨

汪直隱蔽邊情敬使湖廣所過貪殘無厭司禮監機密重地

也豈可同惡相引以損聖治 皇上案銘於法中外大悅臣

謂不去榮敬來患未已 上曰有處

浚薊州河

科道官言內臣犯法既不能免若趨附外臣置之不問則內

外之勢偏小臣有過尚不可容若通賄大臣寔之不究則輕

重之倫失外臣所以交結內臣者無非需求於小臣小臣所

以奉承大臣者無非剝削於民庶惟察外臣結內臣之奸下

民受上官之害然後國法昭明朝綱振肅臣謂尚銘既以賄

賂宜追究其通賄者 上怒其無指名召而將杖之已解命

太監懷恩數責之初汪直薦銘直敗銘獨擅勢鈞名陰狡賣

官鬻爵羅至富室以得重賂已又謀入司禮至是藉家貲數

萬送內府累日不絕

二 朔子詹事兼翰林學士彭華左春坊左庶子劉健主禮闈

甘肅總兵官王璽調大同范瑾調甘肅

廢陽曲王鍾復為庶人

免延安去年災租二十七萬二千餘石

誅張成成洗改黃冊

屯黃花嶺整京營兵赴之都督同知白瑜充游擊將軍率

指揮閻斌往鳳門關等處按伏署都督楊玉充左叅將率指

揮王宣往朔州等處按伏都督同知李俊充游擊將軍率官

軍三千往宣府按伏命余子俊為兵部尚書兼左副都御史

總督大同宣府軍務兼督糧儲

復設保定巡撫以大理寺右少卿侶鍾為右副都御史巡撫

保定真定兼提督紫荆等關

南京刑部右侍郎盛顯為右副都御史巡撫山東

三戊子朔廷策貢士儲權等三百人於

殿賜李旻白錢王

勅等進士及第出身有差

大同兵擊，敗之

光祿寺火

處士胡居仁卒居仁字叔心餘干人幼有大志從安仁子同

業帖括厭之改師吳與弼歸隱梅溪親率喪葬俱依古典其

學主忠信求放心而終於至敬因曰敬齋處家庭如朝典所

著居業錄大率躬行之言也年五十一學者稱敬齋先生陸
瑞家曰本朝理學之臣胡叔心完璧也席珍懷待聘之資遊
世絕憂閑之致羅欽順稱其大類尹和靖萬曆中從祀孔子
廟廷謚文敬

首克失及小王子收近塞定西侯蔣琬總京營兵往備
總督尚書余子俊乞築宣大邊墩從之

免淮安去年灾租十七萬四百餘石

四月己朔脩天壽山陵及居庸關隘地震損墮者
增山西按察副使僉事各二人往宣大督糧脩邊

朵顏等三衛以首招誘拒之來告慰諭加賞

立殫忠效義二營選京衛舍人餘丁萬二千入實之

入山西禦卻之

乙亥監察御史十人分往畿省清軍

孟津王見滯有罪褫爵

浙江按察使楊繼宗為右副都御史整飭永平山海邊務兼
巡撫順天

癸未南京兵部尚書陳俊改南京吏部巡撫江南兵部尚書
王恕改南京兵部南京禮部左侍郎李本為尚書南京吏部

右侍郎尹直為南京禮部左侍郎貴州左布政使彭韶為右副都御史巡撫江南江南自設巡撫來幾一甲子獨怨與周忱以十一年怨不二年其久與暫不相當然忱彷彿姚元之怨則賢於宋璟矣
脩貴溪象山書院祀宋儒陸九淵兄弟歲一祭九淵裔孫崇請之也

五丁亥朔都察院經歷李晟言邊務兵機各五事

前南京刑部尚書周瑄卒瑄陽曲人

贈太子少保謚莊懿

岷州地震

番異縣隕大星聲如雷散為大星十餘天地晦黑久之

己亥起兵部侍郎馬文升為左副都御史巡撫大同大同總兵官許寧格敗之事聞命與巡撫右叅都御史郭鏜鎮守內官蔡新下獄論死降寧羽林衛帶俸指揮鏜射洪知縣新降保命先是寧與威寧伯王越更鎮也郭鏜錢越越曰許寧雖經戰陣守已撫下然非統馭才朝廷用之必僨事鏜不為

意至是始服王越之先見
科給事中張晟行入左輔往封滿刺加國王先遣林榮等
舟溺不至
警勅各邊戒嚴選京營兵赴宣府大同
免慶陽水災田租六十萬五千餘石
代州地一日七震

六 朔辰朔南京兵部右侍郎萬翼乞改北便養許之尋改兵部
增軍政官二員輪操
設雲南孟密安撫司徑隸雲南布政司以夷婦曩罕美子思

柄為安撫司使撫諭諸夷還侵地
甯右都御史李裕右副都御史屠濬罪調裕南京下御史于
璧錦衣獄以行人司副張瑾從獄中奏辨上責裕等疎獄
使知外事也裕等委罪璧故訊璧亦宥之

召總督兩廣軍務兼理巡撫右都御史朱英領院大理寺卿
宋昇為總督兩廣軍務
七月朔加賞宣天役卒
泰寧等衛請從開原入貢不許舊自喜峰口
承休王芝娘禱壽

始命大臣考滿一子自陳入監

秦州知州傅鼎陳秋荒事宜行之

巡撫陝西右副都御史鄭時等奏陝西連年水旱至今益烈

餓殍盈途或氣尚未絕已被割食乞暫停歲課物料下工部

覆奏曾上曰關中屢凶民死徙不能保其命朕甚憫焉歲辦

物料即止之

遼東廣寧報警勅鎮守太監章朗總兵官候謙巡撫左副都

御史馬文升等嚴督分守諸將練兵防

海塞雲古北口黃花鎮居庸等關嚴為備

以傳奉官多增京班卓隸二百七名俱畿內河南山東山西

取之

傳奉匠官太常寺卿陳敷奔喪訖仍在內府

月朔代王 安請封號奪歲祿

前左府都督僉事董寶卒

總督宣大尚書余子俊作戰車大同千輛宣府五百輛車間

用鹿角榨塞其闕上言宣大平曠車戰為宜萬人為一軍戰

車五百餘輛用步軍五千人駕拽行則縱以為車止則橫以

為營賊對壘彼用弓矢百步枝擊我用鎗砲且有威勢如

相持過久彼將分投我則出兵或過其驕橫或尾其情歸運
有足之城策不餉之馬此萬年守邊簡場之策也因上兵車
營圖五說從之
傳陞工部司務高鳳為都水司員外郎鳳善星命得傳陞視
事自此始
勅陝西山西河南鄖陽各鎮守總兵巡撫等官招携捕盜及
更賢育民凡可安靖地方者聽便宜行之事重者奏定

科給事中李孟賜行人葉應往封前占城國王槃羅茶悅
弟古來比行孟賜言占城險僻安南之構兵未靖而提婆苔

又嘗竊據萬一不順損中國威宜縱其來使傳命古來仍勅
安南悔過從之明年遣擢孟賜都給事中留廣東明年卒致
古來崖州封之

壬申金木星俱書見

總督漕運右副都御史徐英卒英字景泰丁丑進士

禁遠東武臣役占屯田軍士

調湖廣糧十萬石於陝西備荒

嚴鎮邊官軍逃亡竭支糧賞之禁

九月酉朔日食

又早遣吏部左侍郎耿裕禮部左侍郎兼翰林院學士徐溥
祭告西岳西鎮西海并中岳大河之神

太監趙陽乞兩淮官鹽二萬引黃治劉闔各二萬引李泉一
萬引戶部左侍郎潘榮言今西北用兵東夷有警山陝河南
災傷備邊救荒措置無從陽等不節用工紓宵旰之憂重違
榜禁伏望處治上曰此曹朦朧累奏偶爾曲從實非朕意
鹽課國法也豈可請乞得者並不許闕支違者論如罪

都察院經歷李晟方今攘夷有大勢有先務在國初都燕京
山後控三邊得御夷形勝其時北邊地荒人稀且我方威強

上衰弱不敢來即來亦無所得今承平既久士馬多耗人畜
頗豐又適熾小入小利大入大利出入無常倉卒難備至
而後應勢每不及此大勢有未便矣加以將怯兵弱來既不
敢迎擊去又不能邀擊此先務有未得矣臣謂審大勢在固
外藩急先務在用舊臣所謂固外藩者臣聞威寧海子可耕
可牧去大同僅二百里在元為要地今棄為衝也請城其
中以二萬人守之翼以墩堡令無事也牧其間約近吾北
則出奇以遮其前過吾南則會勦以乘其後非惟門庭愈固
而飛輓之費亦可漸省苟謂人力不及兵勢難分亦當城大

同近北城量戎以兵使一觸藩可從犄角朵顏三夷衛當
繫之以術俾藩於東不宜徒以空言相諭哈密都督當封以
王俾藩於西不宜徒以金印未得久失事機至於河套廣袤
千里土厚物蕃不宜棄以資寇今陝西饑民多徙荆襄若使
邊臣按視其便守其要害據其水草且燒其餘使不敢入
乃大招流民俾耕牧以資糧馬盡阡丁壯俾射獵以習戰關
不數年民皆戰士地皆樂土既免荆襄之嘯聚又奪寇之
巢穴自河以東至山之後屯堠相望首尾相應豈不强中國
之勢哉所謂用舊臣者邊事非老成人莫可伏今山後有余

子俊遼東有馮文升獨延綏西至甘涼無一重兵鎮撫臣聞
前吏部尚書李秉兵部尚書王竑右僉都御史高明威寧伯
王越力材可用威名素著秉竑嘗有薦以老而寢明頃起用
以疾而還然昔者趙充國韓弘皆成功老病之日越坐開邊
被劾乃後來劾其可罪之人即前日議其可封之人同事異
詞至今未定臣謂即令越有罪功亦可贖今若起此教人使
與文升子俊各當一面則三邊之勢壯而中國之威強矣
上以晟泛言煩擾下錦衣獄調漢陽府通判
己亥夜月食

復李震興寧伯

澤州星隕聲如雷

巡撫山西左僉都御史葉淇奏山西游災平陽逃亡五萬八

千七百餘戶功霍邑猗氏兩縣男婦饑死六千七百餘口蒲

解等州臨晉等縣餓殍盈途不可數計父棄其子夫賣其妻

甚有全家聚哭投河而死孀子女市井而逃者雖設法勸借

加意撫卹其茶給散不用乞發太倉銀備賑上從之發帑

金三萬付淇賑之

釋土魯番餘黨於甘州獄從罕慎之請既克復解仇也

余子俊兼督偏頭關節制山西鎮撫

甲辰侍皇太子祐禔生德妃張氏出

下復入河套

十月郊朔給空名度牒一萬於山陝令民輸粟十石度為僧道

刑部員外郎林俊奏太監梁芳招權贖貨貢獻淫巧引用妖

僧繼曉左道惑上建永昌寺傾竭府庫貽毒生靈請誅之以

謝天下下錦衣獄杖三十謫姚州判官士

索土魯番所掠哈密金印

復雲南嵩明州舊治

江西武寧奉新盜起

後軍都督府經歷吉水張毅上疏論救請釋用林俊忤旨下

獄杖三十調師崇州知州成化壬辰進士知涪州愛民如子

遷經歷武宣府知府

免太原平陽旱災細租四十八萬八千餘石

罷雲南銀坑

丙辰封都督同知王源瑞妻伯皇后弟

河南旱饑

巡撫江南右副都御史彭韶薦故兵部尚書項忠不允

錦衣衛都指揮使萬喜為後軍都督同知指揮使萬達為都

指揮同知萬從善為都指揮使百戶萬牛兒為指揮僉事從

善甫二歲故指揮萬通庶子而牛兒甫四歲其養子也

是月傳奉官六十三人

十月甲子朔彙顏衛都督阿兒乞蠻遣其弟影克孛羅送多獲

北地生口兵部譯審牧畜也

是上曰夷人牧放為生追逐水草其常事何罪之足誅其編氓之賞孛羅以慰其勞仍諭三

衛貢夷毋得貪掠放鷹

盡表

增山東按察副使一員於遼東

通玄翊教廣善國師繼曉乞歸養母許之命母終供職如故
傳加太子太保吏部尚書尹旻為太子太傳取中書舍人杜
昌文華殿辦事凡加大臣保傳皆賜勅旻獨出傳奉又與杜
昌同時受命前此未有也

萬全右衛百戶韋瑛伏誅瑛附汪直敗調外撰妖言誣平
人謀逆走報太監張善妻訊誣伏及會鞠皆枉詎上曰除惡
務本此曩日罪當死者亟斬之梟示萬全右衛天下聞而快

焉

日奉入貢川鹽二百萬石
再發帑金十萬河南糧五萬石賑陝西

總督宣府大同軍務戶部尚書余子俊言上適請班師命太

監張善從西侯蔣琬悉統京營兵還京子俊暫留總督令冬

末具奏而還

傳旨戶部尚書殷謙禮部尚書周洪謨施純劉爰兵部尚書

張鵬刑部尚書張瑩工部尚書劉昭右都御史朱英俱進太

子少保

山東早免災租二計一萬餘石

南京戶部主事張倫請運糧二十萬石自河至沔池備山陝賑濟即以倫督之

十 是月傳奉官三十七人
二月甲寅朔預度僧道六萬人救饑山陝
工部左侍郎杜謙率郎中蕭冕員外郎李濬浚運河

召余子俊還京

戶部左侍郎李衍理陝西邊儲

詔開中兩浙鹽課給三邊發江南折糧十五萬金并關中兩淮山東四川鹽課二百萬引於陝西榆林等處給邊儲

會寧縣地震

傳陞耀州判官張善吉為兵科都給事中善吉初以兵科左給事中請託太監高英進方術 上召見賜對命下士論黨

然

旱災免河南田租十七萬五千餘石

入大司西路分守右叅將張璽右少監陸閏禦之玉林山墩繼入代州境分守右叅將都指揮支玉與太監劉政禦之寺塢等處皆有功並論陞賞有差

入宣府境殺百戶

彙顏三衛教掠戒諭之

延綏兵燒荒殺於

命廣東歲祭故巡撫右僉都御史楊信民祠

是月傳奉官三十餘人

是年徐州婦助下生痛久之漸大兒從痛出

乙巳成化二十一年

正月申朔申刻有火光自中天少西下墜化白氣復曲折上騰

聲如雷踰時西方大星如碗赤色自中天深近濁尾跡化白

氣曲、如蛇形良久正西轟、如雷震地頃更止

丙戌勅群臣直言

廣東惠州酉刻月下發光丈餘夾黃白氣自西飛東北有聲

如雲如雷

丁亥延安軍民州判官林俊仍刑部員外郎師宗知州張鞞

仍左軍都督府經歷俱南京時星變梁芳繼曉懼言及乞內

降復之

戊子太監傅恭仍總制三大營兼提督十二營

夜火星犯太陰星

己丑大臣科道各應詔言事吏部尚書尹旻言二事曰裁傳
奉官二千餘人放回進士二百九十七人依親省支俸上
報曰傳奉文官除勛戚外餘如所奏進士准回戶部尚書余
子俊等言一事上報曰節財用朝廷自有處置漕糧已糶
百萬石姑已之官首月俸仍舊倉場內官已令司禮監查取
餘如議禮部尚書周洪謨言九事上報曰禁奢侈已行矣
供應牲畜所司查奏節省法王佛子國師禪師番僧供給俱
裁其半今後漢人冒入者必罪方士已令都察院禁之私闖

發回原籍原衛餘如議兵部尚書張鵬言五事上報曰傳
奉軍職自勛戚功蔭外餘令冠帶閑任有為事妄冒并乞恩
陞授者查奪正官藝精者留之支半俸內地鎮守監槍守備
等官具名以聞餘如議刑部尚書張登等言六事上報曰
惜薪司柴夫光祿寺買辦已行矣鎮守內官已令兵部查奪
其奉勅預詞訟者今不許餘如議工部尚書劉昭等言三事
上報曰如議右都御史朱英等言一事上報曰內府白
糧不必委官監收止依例斛一尖一平收納投獻地土及倉
場等處量留內臣管事各總兵遇節進馬副叅等官不許進

土產止鎮守一人進之餘不許今後費香帛內官不必差文
官降斥者置之邪術榜禁餘如議署通政司事尚書張文質
等言四事 上曰廢弛政事者無主名其置之餘如議大理
寺卿田景陽等言四事 上報曰災重地方已免糧矣餘如
議吏科給事中李俊等言六事近倖干紀也大臣不職也爵
賞太濫也工役過煩也進獻無厭也流亡未復也 上報曰
梁芳韋興陳善姑已之馭謙張鵬火福杜銘李本劉俊張鑿
田景陽張瑄尹直李温俱留令各脩省李孜省降上林苑監
左監丞鄒常恩降本寺寺丞繼曉革國師為民追護勅其餘

已處分矣浙江道御史汪奎等言十事 上報曰謫調考察

官推大臣理鹽法俱已之鎮守等官已令兵部查奏定奪藍
忠張慶蔡用還移文使知之馬顯采欽馬馴魯能談倫趙文
博杜謙俱留任提督坐營內臣仍舊內外官占役軍匠令科
道覈之遣官賫帑金賑饑戶部勘詳以聞

庚寅詔曰朕紹 祖宗大位罔敢自豫然治效未臻災沴迭
興地道弗寧天時亢旱嘗齋心懇禱遣告山川奈歲竟不登
河南山東畿內率多饑饉陝西山西尤劇至棄恒產家室不
相顧元 柯辜罹此危厄朕為民主可恻然莫之愍耶累博

採群議發帑儲助賑不意冬春星變有聲朕愈做惕勅群臣
備陳時政得失採納而行用慰民望答天心方春時和萬物
發育祇承乾元資始之仁誕敷寬恤之典所有合行事宜條
具於後云云於戲君以愛民為德懷保惠鮮之政當施臣以
輔治為忠還足安輯之務宜勉必上下極交脩之誠庶穹蒼
有昭格之效

三千餘騎犯延綏游擊將軍董昇等追敗之

癸巳廣西太平府地震有聲

乙未上南郊

翼城絳陽城垣曲等縣饑民多盜命鎮撫等官宣諭果不服
勦之

丙申五千餘騎又犯延綏把總指揮僉事米祥等追敗之

謝家山明日又敗之斬三十四級

己亥五府太子太傅英國公張懋等言事上報曰倒失馬
自去年以前免追邊海軍糧許月支八斗武職休致減俸及
軍士種菜如舊內外文職官添設者兵部查奏定奪京門及
京通倉場各馬房蕃育等署增設內臣司禮監查正統例舊
數量留莊事餘如議

甲辰周府鄢陵王子聖薨年六十一謚安僖

乙巳免北畿去年田租其災輕者免十之八

遣賑陝西河南山西總督陝西軍餉戶部左侍郎李紱兼理賑濟刑部左侍郎何喬新往山西工部右侍郎賈俊往河南吏部郎中吳岷戶部郎中翟通馮續金迪禮部員外郎王傳

兵部員外郎朱瑄刑部員外郎許弼吳欽廖中李燧工部員

外郎吳郁大理寺正李遜分往畿內發帑金二十五萬

丁未京師陰霾

戊申軍器局匠金福奏正統間本局軍民匠五千七百八十

七人止太監一內使一工部侍郎一提督近來人匠逃去止

二千餘人監督內臣至二十員多各官占用乞減提督冗員

清占匠從之

內地鎮守等官如舊

夜大星青白光燭地見太微垣外

辛亥給陝西饑民牛種

二甲寅昏刻月犯昴宿

乙卯量蠲襄陽

等災租

己未吏部應詔奏列傳奉除勛戚功陞廕授外通五百十四

人御筆點留六十一人如太常寺卿陳敷趙玉芝太僕寺卿
朱奎通政使蔣宗武左右通政施欽任傑木魯李景華張苗
顧倫雷普明太僕寺少卿李綸光祿寺少卿干信尚寶司卿
仲蘭楊杞少卿嚴勳太常寺丞陳蕡蔣釗等吏部又列傳奉
官為事妄冒者御筆點留五人上林苑監左監丞李攸省尚
寶司丞丘倫太常寺丞于寶中書舍人鄔存敬冠帶儒士楊
纘兵部奏傳奉除勛戚功陞蔭授外通五百三人御筆點留
三百九十四人
乙丑徽王見沛累請鈞州稅課及黃岡庄田不許

丙寅復命太子太保戶部尚書余子俊兼左副都御史總督
宣大軍務兼理糧儲以總督倉場戶部尚書殷謙理戶部事
昏刻月犯靈臺上星夜月犯上將星

丁卯夜月當食不食禮部科道俱劾署欽天監事太常寺少
卿康永韶春官正李宏等推美不精宜罪命奪宏等月俸
戊辰翰林侍講焦宏為侍講學士
己巳募四川人納粟補散官

庚午夜月犯角宿

壬申巡撫遼東左副都御史馬文升言十事 上從之

泰安州地震夜遵化地再震聲如雷

癸酉進士邵誠李澂方向王琳為南京給事中誠吏科澂向

戶科琳刑科

平陽府地震聲如雷夜月犯心宿

乙亥順天府管河治中陳翼言三事 上從之

丁丑免陝西去年麥六十四萬四千六百餘石

己卯召大同備冬左叅將楊玉游擊將軍馬俊領兵還京

庚辰巡撫宣府右副都御史李岳請暫停脩邊下余子俊酌

之

辛巳詔各邊練兵從馬文升之言

鎮守通州都督同知陳逵卒逵合人世忠義左衛指揮同

知沉鷺有謀景泰初薦進都指揮僉事守通州有警天順初

獨收子謙屍襄事人義之卒賜祭塋

三月午朔泰安地再震如雷太山岳動搖丁亥復震

甲申免萬全都司屯租七萬一千石有奇

戊子大名府風霾晝晦己太風雨至丁酉江

己丑南京吏部尚書陳俊等應詔言二十事 上報曰文武

醫症等官取回支鹽內官家人并禁造寺觀降調官已處置

矣板枋免運一年大勝等閱官軍令守備太監擬定堯器俟
燒完停止餘如議書則對事無言二十事上疎同文用
南京工科給事中並璐等言十二事御史郭霽等言十事俱
下所司真全備同文財以莫一二可百有
昏刻用犯五諸侯星夜番禹南海大風雷電壞民居萬餘楹
死千餘人

庚寅御馬太監李良監五軍營兼提督十二營下替天師味
壬辰徽王見沛乞起復長史董彝不允
癸巳泰安州地震乙未庚子連震

大理寺卿田景陽致仕
命借山東去年今年官鹽易糧又令各郡縣立社倉備賑從
馮文升之言

乙未令都察院榜禁西山山場不許鑿石取煤
禁奸盜

丁酉皇九子祐樨生母恭妃楊氏
自正月至是風霾不雨遣告郊社山川

壬寅前中軍都督同知韓志卒
太原平陽曲沃榆次俱地震聲如雷邠州再震明日又如之

皆有聲

廣東

已酉按察使閻珪為右僉都御史巡撫江西時多盜

延平府同知劉瀚為漳州知府劉鑑子

辛亥右軍都督同知陳瑛率兵卒三十萬運京倉米十萬石

於宣府

四 壬子朔巡撫甘肅右副都御史曹能憂去

監生虎臣請賑饑去貪 上是之麟游人後任磬嘉知縣不

受賂為土官毒死

乙卯刑部員外郎朱臨改監察御史

丙辰傳陞太常寺少卿康永韶為禮部右侍郎仍署欽天監

事永韶凡占候由蔽至言今春星變當有大災賴山陝等處

饑殍應之此誠聖福無他慮矣 上悅之

丁巳免大理曲靖水災田租八千五百二十餘石

己未申溺女之禁温州訓導鄭璟言浙東温州處好溺女宜

禁下禮部都察院言寧波紹興金華江西福建南畿皆然遂

有是命

庚申雲南左布政使唐瑜為右副都御史巡撫甘肅

癸亥烏思藏闡化正等來朝時四百六十二人四川守臣格

以新例止納百五十人禮部以順其情概納之為後兩貢之
數報可
戊辰命兩京錄囚

庚午巡撫南畿右副都御史彭韶改大理寺卿
辛未勒巡按宣府御史婺源進賢致仕進賢繼妻兄錢金
挾其陰事來謁見拒遂噤其左指進賢下之獄事聞免官成

論耻之
金大同進賢成化丙戌進士選吉士貪淫不檢謫事萬安士

癸酉命御史三人權杭州荊州蕪湖竹木以工部官娖弊也

神武免濟南堯東昌去年田租三十七萬七千三百四十餘

石鳳陽淮安夏麥二十萬餘石

乙亥福建左布政使李嗣為右副都御史巡撫蘓松等處

已卯翰林脩撰吳希賢為左春坊左諭德太僕寺少卿韓定

為寺卿

閏四月壬午開城縣地震有聲

癸未蘭河沱岷鞏昌固原俱地震有聲

甲申太子少保禮部尚書署鴻臚寺事施純卒純字彥厚東

安人成化丙戌進士選庶常改戶科給事中歷鴻臚寺卿善

為客驟進禮部右侍郎至尚書前此未有也
祐罷趙守士論
少之年五十一無子賜祭葬

丙戌伊府方城王誤鑪薨年三十五謚懷僖

已丑分守代州右叅將都督僉事史玉以疾召還大同東路
右副總兵都督僉事周璽分守代州

庚寅都督僉事慕勳以妄報功降指揮同知

辛卯傳內官監太監李榮鎮守山東代太監韋煥已復榮司

禮監命往南京守備煥仍山東

傳陞羽林前衛副千戶楊玉為錦衣衛正千戶衛用監太監

廖恭姬妃為錦衣百戶

壬辰未刻開化清豐金御忽黑雲天半雜五色須臾晦甚風

雨雷電交作仆屋拔木傷禾稼

癸巳遵化地震有聲甲午乙未連震

甲午趙府臨漳王祁塔薨年五十五謚恭安

丁酉進士韓鼎簡琦王敏為禮兵刑科給事中

戊戌廣東市舶司提舉江朝宗復翰林院侍讀學士致仕

許諸生納粟入監

辛丑太子太保兵部尚書張鵬致仕

丙午故南京戶部尚書閩縣黃鑑贈太子少保謚襄敏
丁未戶部開輸納事例濟饑

太監席啟先伏誅

五廟成朔巡撫順天右副都御史楊繼宗以管河治中陳翼訐奏調

雲南按察副使翼海北鹽課司提舉繼宗執法不阿戚宦有

侵占民田者奪還民以是府怨為臣從中構譎之單車之任

通峒徭亂官軍不能下教然往諭徭皆羅拜曰聞公名久矣

今某等再生日也詰其生亂之故奏治之徭忻悅聽撫

乙卯大理寺卿彭韶為右副都御史巡撫順天

丙辰廣西都指揮使邢斌為右軍都督僉事

戊午工部主事張吉調景東府通判刑部主事李旦調鎮遠

府通判監察御史汪奎調夔州府通判工部都給事中盧瑞

調長沙府通判刑科給事中秦昇調廣安州同知工部給事

中章祝調興國州同知俱應詔直言吏部承密旨外調之吉

疏尤譴留中不出

談遷曰言憲廟值災異惕然更始降李汝省節常息削繼

曉蠲租極困有止聲受言之風及章疏如織規繩日功多

密諭冢宰擬於投荒俾上不礙其轉圓下無齒於斥伏地

記沓於斯為巧雖然亦豕宰將順之過也引君當道如
宋璟李沆其人庸以私旨靡之乎哉

泰寧衛都督脫阿孛羅弟搜失得屢勦寇授泰寧衛正千戶
辛酉免淮安鳳陽揚廬徐田租米荳二十九萬三千三百九

十六石

壬戌萬全永寧衛隆慶衛龍門所地震有聲夜京師地再震
癸亥廣東左布政使陳選以撒馬兒罕往滿刺加市獅入貢
上言西域貢葵召公進諫趙蒙獻雉周公致規蓋不惟防玩
好之漸實以杜窺伺也後魏本非澤國所產彼假以求索驚

擾寰中貽譏海內是陛下忽細行而為大德累也乞賜罷

從之

乙丑前太子少保左都御史李賓卒賓字廷用順義人正統

乙丑進士授御史有伉直名歷太僕卿右副都御史天順初

改大理卿進右都御史成化初改南兵部尚書三年改左院

持重不妄言其議處荆襄深民尤得策贈太子太保賜祭葬

謚襄敏

丙寅申王府官坐罪事例

丙子京師派移日集下京縣及五城兵馬司月給米大口三

斗小口斗五升
已郊改余子俊兵部尚書仍總督宣大軍務兼理糧儲令防
秋畢還朝

巡撫保定右副都御史侶鍾為刑部右侍郎

六朝戶部尚書兼督糧儲殷謙初代余子俊暫理至是申肯

專戶部尚書

定武臣納粟許子孫襲職例歲盡而止

丙戌增會昌雲都龍南安遠新豐瑞淦石城縣主簿專捕盜

戊子周王子墮薨年六十三謚曰懿

庚寅南京兵部尚書王恕奉詔請裁錦衣衛內官子弟二十

七人不允

壬辰前軍都督同知袁彬調左府以忤新寧伯譚祐也

癸丑故霸州同知王廷桂贈江西布政司左叅議初勦武平

賊死之錄其子國子監百戶鄒顯小旗王剛軍人烏等俱

甲午前太子少保戶部尚書楊鼎卒鼎字宗器咸寧人正統

己未進士及第授翰林編脩後直東閣己巳改御史分守兗

州還復任進侍講兼左中允尋進戶部右侍郎天順初進左

侍郎成化戊子進尚書清脩苦學善談論在戶部頗不樂致

杜鼎能守官惟開鑛差可議也年七十七贈太子太保謚莊
敏
壬寅錦衣衛舍人沈震請紉粟補官不許
乙巳免河間夏麥萬一千三百餘石
丙午前太子少保工部尚書王復卒復字初陽固安人正統
壬戌進士授刑科給事中進通政司叅議己巳使也先充禮
部右侍郎還進右通政歷通政使兵部左侍郎成化初進尚
書巡西陲言事多合復雅志冲淡值事有條理具大臣體度
且好古嗜學不事矯亢以德量終年七十贈太子太保謚莊

簡蓋公典也

七廟成撫治鄖陽右僉都御史王濬卒濬字克深咸縣人成化丙
戌進士授御史同御史王越薦陞南京右僉都御史未任改巡
撫甘肅憂去起鄖陽素不愜衆望年五十五賜祭塋

壬子召賑濟山西刑部右侍郎喬何新等還京喬新奏豁田
租勸分得銀數萬兩粟數十萬石河渠墮者甃饑民疏之償
以粟凡活二十萬人復業者十四萬
癸丑署光祿寺事禮部右侍郎艾福致仕
丁巳夜月犯星宿

戊午荆襄總兵官署都督僉事王信為都督同知

壬戌許余子俊偕宣府大同偏頭關邊牆期明年四月肇工

乙丑雷泊縣地震聲如雷夜月犯壘壁陣星

丙寅停陝西鎮守官年例貢獻一年

丁卯諭都察院嚴考回道御史

己巳夜月犯房宿

太子少保右都御史朱英卒英字時傑桂陽人正統乙丑進

士授御史忠實儉約善屬文佐藩廣東即有聲總督兩廣殫

心邊事年六十八贈太子太保予祭葬謚恭簡

李東陽曰廣東西地自大藤之捷民物凋敝府藏空竭識

者蓋深憂之吾聞朱公蒞政專事儲蓄數年間所積金為

數十萬深杖還業者四十餘萬以脅從獲免鋒鏑者不可

勝紀其有功于國家甚厚傳稱君子能國仁人利溥豈不

信哉方入長內臺議弭災策時曹分條悉公所陳或為秉

筆者所沮楊中書一清上記說之公即命肩輿進議所力

申前說雖未悉施其所負亦壯矣

庚午選教坊同樂工

辛未增臨清州判官覽河

癸酉行人常新曹磷劉壤許銳謝瑩文瑞史簡張璿推官包
裕知縣丁隆楊縉王宏歐陽復韓明呂炯陳穀郭資為試監

察御史

甲戌右副都御史屠濬為右都御史大理寺左少卿馮貫為

右副都御史

乙亥傳陞沂州知州朱義南京工部郎中時太監梁芳開礦

山東採丹砂義曲事之還被薦

代府隄州王仕璵薨年四十一謚恭僖

八 己卯郊朔日食

庚辰鎮守湖廣都督同知王信充總兵官提督漕運仍鎮守

淮揚巡撫遼東左副都御史馮文升為右都御史總督漕運

兼巡撫鳳陽

南京金川門草場火

壬午傳陞錦衣衛指揮同知萬安為後府帶俸都督僉事副

千戶萬祥為指揮同知正千戶徐達為指揮僉事世襲舍人

丁安萬泰王賢俱百戶

召賑濟河南工部右侍郎賈俊還京

甲申前撫治鄖陽大理寺右少卿吳道宏為南京大理寺卿

乙酉後軍都督同知馮昇為平蠻將軍總兵官鎮守湖廣
丙戌傳守備西寧都指揮僉事王義協同田廣筦事守備臨
清都指揮僉事昌佐守備儀真

戊子巡撫甘肅右副都御史魯能卒能字千之新會人景泰
甲戌進士授戶部主事朴實勤慎所至無廢事賜祭葬
己丑順天府尹劉濤為右副都御史巡撫遼東

乙未岷府安昌王膺鋪薨年十一謚懷僖

雲南布政使吳玘為順天府尹

夜大星赤光燭地自河鼓流紫微垣七小星隨之

戊戌禮部定度京省僧道之額大約僧不越五萬道士二萬

己亥兩淮巡鹽御史王相光暴下刑部獄降雲南南寧縣丞

壬寅岷州地震

乙巳賜太監陳珙浙鹽萬引

丙午封彌錦唐世子彌銀郾城王彌鈞衛輝王楚府均鋤江

夏王瀋府銓錫且山王淮府見澈清江王荆府祐楫虞城王

祐橙潞安王冥鑿洛交王祐桓懷安王同鑿鎮安王見渥洛

川王

丁未署太常寺事太子少保禮部尚書劉燾致仕

使滿剌加國吏科右給事中張晟卒於贛州命行人左輔即
廣東選七品有司官一人往

韓王偕滿奏群牧所千戶朱政魯祖信年百八歲而終祖百
二歲父鏞年十二俱正千戶致仕壽出一門乞表人瑞命有
司勞羊酒進階宣武將軍賜米布

是月建文帝女卒於高墻女建文庚辰生年八十六

九甲寅趙府湯陰王初鎬薨年五十四謚莊僖

都督僉事王義卒

丙辰永順伯薛勳都督僉事莊鑑領果敢等營

蕪州梧州地震有聲至甲子止

丁巳南京禮部尚書李本卒本字立之富順人正統戊辰進

士選館授翰林檢討歷侍讀太常少卿禮部侍郎性質直慷

慨不拘小節晚在禮部頗自縱或劾其冒功浮沉非定論也

賜祭葬

庚申傳陞鴻臚寺帶俸主簿萬鏞通政司知事萬燾俱為中

書舍人

初虜數萬寇偏頭關山西叅將都指揮僉事支玉等戰各有
勝負斬十五級獲馬九十六失卒四十二人傷百五十九人

見劾玉自陳其勞苦命奪祿半年
前巡撫山西右僉都御史李侃卒侃字希正東安人正統壬戌進士授給事中進都給事己巳之變多直言易儲時又洒泪進詹事天順初改太常寺丞憂去起原官進少卿尋撫山右固圉廣儲尋憂去好學嗜書家貧甚年七十九論祭

辛酉夜月犯外屏星

甲子太子太保戶部尚書兼謹身殿大學士劉珣致仕初珣事上東宮及即位屢進清秩至是先一日申刻傳召閣臣萬安劉吉赴西角門珣欲往閣人止之安等與太監覃昌出

御札啟之則人訐珣陰事曰嗜酒貪財好色等事安等驚曰

此斐章何不火之乞太監保全左右焉昌曰聖意也安曰珣

親老令珣自休致耳昌曰然明日珣乞休予之不及養親

上怒命昌出詰安安曰珣久欲去跡蓋預撰昨猝不及詳也

未上意解許之賜金幣廩役子中書舍人銳禮部司務鈔俱

還侍蓋安故銜珣群小假邏卒構之去

王世貞曰一劉珣也 憲錄稱其附中人得罪以至疏辭

不肯終養 孝錄稱其進講以正定國本廬親墓御黨化

之號曰仁孝里蓋 憲多劉吉所載 孝則焦芳改筆珣

於人乃中下耳吉有隙芳有息故異詞也
丙寅論重囚七十五人其數雖多而本意
賜太監潘洪儀真鹽萬引
丁卯前南京右僉都御史高明卒明字上達貴溪人景泰辛
未進士授御史進大理寺丞成化初僉南院政令清肅年六
十四予祭葬

李東陽曰高公初乞歸稱無才一宜退有疾二宜退親老
無昆弟三宜退及以治盜微謂宜再起功成疾作宜再退
其號五宜以此晉孔戣有二宜去司空圖有三宜休皆歛

退事史傳所稱裁嗚呼勇退固難事然退而出、而復退
其出不徇物而退不為矯情者蓋尤難焉君子論事必先
大節矧其才卓、有治效可指述哉公雖名位未極功澤
不偏施揆厥終始稱國之大臣可也
袁孝曰高公為御史號敢言兩奏捕盜之績功成勇退賢
於流俗人遠矣昔孔戣言之二宜去司空圖言三宜休古
今人豈相遠哉

庚午工部右侍郎談倫理易州山廠召商賈怨見訐奏下獄
復之

辛未夜月犯靈臺中星

乙亥太監潘記王太岳太和山求兼提督均州官軍操守許
之

十月庚辰故南京刑部右侍郎陳儼子臬授例入監不許命令後

子孫乞恩須審其父任久績著者始以聞

甲申鎮守兩廣平鄉伯陳政卒政在鎮十九年最諳夷情杜

絕私請如廉州地饒未嘗一至

丁亥免成都前年灾租五十

一萬五千三百餘石

己丑太子太保兵部尚書兼左副都御史余子俊改兼左都

御史巡撫大同乃提督軍務時被謗也

庚寅左軍都督同知周或封長寧伯祿千石

癸巳夜月犯五車星

前太常寺少卿吳道亮卒向容人樂舞生年八十未嘗有失

甲午英廟惠妃王氏薨氏大興人年五十七謚端靜安和

丙申免濟南等夏麥四十五萬三千九百二十餘

石

丁酉降夷舍打右珍等安置廣寧

己亥南京光祿寺卿李木卒賜祭葬 曹縣人景泰申戌進士
壬寅南京錦衣衛指揮僉事黃琳為指揮同知世襲以太監
黃琳家屬得官六人

尚醫司丞許瀚道值太監鄒才護不避為從人碎其牙牌俱
下獄復之

癸卯傳陞道士劉太極為太常寺丞初星變時暫斥傳奉官
至是復漸進矣

甲辰免開封 田租五十七萬九千五百
八十餘石平陽澤潞蓮沁田租四十萬七千九百七十餘石

十月壬子夜月犯壘壁陳星

丙辰廣東按察副使陶魯為湖廣按察使仍在兩廣行營
金星晝見

丁巳永和王鍾缺有罪奪歲祿

提督四夷館太僕寺卿韓定卒 武縣人諱字生賜葬

己未昏刻月犯昴宿

庚申東寧伯焦俊為平羌將軍總兵官鎮守甘肅召總兵官

范瑾還京

辛酉太常寺少卿程洛卒洛父太常卿南雲能書除中書舍

人至今官工楷篆最慎衆予祭
云戌晚刻火星犯天江星

癸亥監察御史錢承德張瓚聖節後至下獄杖之譎捷為介
休知縣

傳陞左通政李和為南京戶部右侍郎禮部郎中黃景為右
通政

乙丑祠故山東總兵官都督衛青永康侯徐安於山東歲一
祭巡撫盛顯請之

丙寅京師地震

南京兵部尚書王恕上言京師祀天地僅一壇祖宗暨先
聖僅一廟而佛乃至千餘寺者舛也一寺立而移民居者且
百家費內帑者數十萬金林俊言當不宜罪宜特復其官并
復張黻官不報

丁卯鎮守延綏太監韋敬調寧夏寧夏太監簡顯調延綏敬
在延綏狠愎忤總兵官岳嵩都御史呂震時忿爭故易之
夜月犯太微垣右執法星

辛未巡撫鳳陽右都御史馬文升為兵部尚書戶部左侍郎
李紱為尚書總督倉場巡撫四川右副都御史孫仁為戶部

左侍郎

癸酉成山伯王鏞領神機營

遵化地震有聲夜月犯星宿

甲戌巡撫保定左副都御史李敏總督漕運兼巡撫鳳陽其

保定巡撫官章之

淄川地震

禁私閣

前巡撫甘肅右副都御史婁良卒良字魯士通許人正統乙

丑進士授部主事謹約自守比歸行李蕭然年七十五予

祭塋

十月庚辰撫治鄖陽右副都御史劉璋改巡撫四川

昏刻金星犯壘壁陣星

壬午傳陞分守西寧衛指揮使王儀為都督僉事協守寧夏

西路

軍右都督馮宗卒昌黎人世 衛指揮使

癸未傳陞太常寺卿丁永中鴻臚寺卿賈斌俱禮部左侍郎

仍署寺事

廣西左布政使何鑑為右副都御史撫治鄖陽

昏刻月犯外屏星

甲申手勅改太子太保禮部尚書劉吉為戶部尚書兼謹身殿大學士詹事彭華為吏部左侍郎仍兼翰林院學士互文

淵閣

辛丑進南京兵部尚書王恕太子少保

壬寅免平陽澤潞等秋糧九十五萬三千二百五十餘石夏

癸卯曉刻月犯南斗魁星

甲辰命巡撫南畿右副都御史李嗣耀松江餘米九萬石

入宣府西路涼州莊浪鎮番永昌

是月傳奉官百餘人

丙午成化二十二年

正月丑止各巡撫赴京議事

丁巳夜月犯五諸侯星

己未上南郊

寧府石城王奠堵薨謚恭靖性莊毅簡貴寡言笑家法甚嚴未嘗有過舉

辛酉夜月食

乙丑勅河南按察僉事傅希說兼理鳳陽等處賑饑

丁卯南京太僕寺少卿李温入京廣緣改太常寺

罷脩沙河橋

戊辰左春坊左庶子劉健為少詹事

是月「深入臨沅金縣殺掠三千餘人

二月辰太子太傅保國公朱永以蜚語言其不執因乞免不允

免大名真定順德廣平保定去年夏麥九萬八千三百餘石

武昌等秋糧五十四萬八千餘石

辛巳雲南增城民作亂平之

癸未賜各巡撫官勅撫安軍民

分守莊浪左叅將都指揮使田廣為都督僉事其姻太監張敏

甲申黔國公沐琮定雲南土官嫡庶子每三年上其籍承襲

時三月會勘不得過三月從之

翰林脩撰林瀚為左春坊左諭德

移備倭署都指揮同知郭銳暫住通泰鹽城捕鹽盜

丙戌進士汪賢趙銳呂獻夏昂為給事中賢吏科銳獻刑科

昂工科

戊子荆門州地震

己丑陳輔嗣寧陽侯懋次孫

庶演安遠侯柳滌為征蠻將軍總兵官鎮守兩廣

辛卯昏刻初犯鬼宿

癸丑晉府寧河王美瑄薨年五十九謚康僖

夜月犯軒轅

甲午帝皇十子祐樞生母端妃潘氏

罷余子俊奪太子太保蓋延綏太監韋敬怨子俊調之寧夏

同奏子俊懷奸抵飾所調副總兵周璽總兵周玉為總兵岳

嵩皆出私恩怨兵部言此子俊未任前事上怒其隱命杜

謙等併勘謙等還奏子俊在邊未二年費銀百五十萬糧料

二百三十萬石雖公而實糜下戶土二部議覆上責子俊

偏乖耗廢焉

丘濬曰秦人築城不量力不恤民則非也焉可以噓而廢

食哉北魏高閭亦嘗建議而不克遵而公則遂矣且有效

或者不廢其前功而顧逆料其後弊何哉忘之也亦非專

為公也方公建議時云凡事須是到日過似能經久者方

始為之予固知公非苟然而漫為之者嗚呼快一己之私

而忘國計之大斯人何人哉
薛應旂曰嘗視師延綏其故老咸曰鎮城舊在綏德余公
遷出榆林軍民役死不下萬計窮簷荒廢千里丘墟孤兒
寡婦衰麻扶杖日哭於軍門而浮沙築墻終難就緒而使
其移鎮河湟徧逐套與北大役猶可言也顧僅止此
至今榆林孤城懸於荒漠勞師戍守歲費萬千綏德藩籬
二竟失鎖鑰騎長驅直闖內地其貽謀蓋不審矣由此觀
之則宣大之役臺省交章非無自也
談遷曰余肅歛飭邊脩備可謂國之能臣當時沮格不過

狃便晏休大役耳易世而後猶有遺議如薛仲常者雖非
通論不可不存其說

乙未免常州災租十萬二千一百餘石

丙申移開封米十二萬石於陝西六萬二千石於河間賑饑

己亥免蘄州災租十五萬二千九百餘石

庚子傳陞錦衣衛指揮同知邵萃為指揮使百戶邵安邵喜
俱世襲

秦王公錫慶年五十謚曰惠

鳳陽知府章銳上救災備患十六事 上多從之

辛丑傳陞太常寺丞連克彰江懷為少卿
兵部武選司吏樊忠韓錫大興民匠吳鑑吳興皆通屬夷信
廢勅事發伏誅左右侍郎阮勤侯瓚調南京他部郎中鄒襲
朱紳降德安常德府同知員外郎彭綱降永寧知州主事高
鑑張景石魏趙銘蘓章俱外補

甲辰勅廣東按察僉事李轍專居贛州捕盜

乙巳勅巡撫山西左僉都御史葉淇巡撫大同右僉都御史
左鈺巡撫山西協守甘肅左副總兵署都督同知 為靖
將軍總兵官鎮守延綏分守西寧都督僉事王義為左副

總兵協守甘肅

是月傳奉官七十餘人

貴州苗賊萬餘作亂

三月午朔平陽府蝗

戊申傳陞肅州右叅將署都指揮僉事李俊涼州右副總兵
都指揮使劉晟俱都督僉事仍分守

庚戌寧夏地震

壬子曲阜知縣孔燹有政績加兗州府通判不為例

癸丑傳陞錦衣衛朱驥都指揮使

鎮守代州右副總兵都督僉事周重加總兵官

甲寅南陽雨雹大如鷲卵

乙卯夜月犯軒轅星

己未增給文思院匠官周安等月米至千五百餘人

庚申免撫寧縣災租

癸亥陝西寧州知州臧世清盜賑糧三千餘石追入之戍邊

甲子南京禮部左侍郎尹直改兵部通政使何璟為兵部右

侍郎

己巳巡撫甘肅右副都御史唐瑜上備邊方略多謬悞奪俸

三月

庚午應天府丞楊守隨奏上塗改下南京刑部論贖復之

壬申許琉球入監貢生蔡賓等五人還國

赤斤罕東二衛與西番仇殺

傳奉官九十餘人多革退取還而僧道之徒尤盛

是月屢犯大同

四 庚辰傳陞太僕寺卿朱奎為大理寺卿太常寺少卿任道遜

為寺卿

辛巳琉球入貢

禮部給僧道牒十一萬人餘止之

壬午加封金闕玉闕真君為上帝遣萬安祭於靈濟宮徐溫代

子知證封江王知諤封饒王嘗提兵平福州父老戴之圖像

以祀采賜名洪恩靈濟宮永樂中因禱有應加封金闕玉闕

庚寅太子太傅吏部尚書吳昺降太子少保時鄒襲以蔚州

衛指揮使張旺等保復下襲錦衣獄詞連吳等襲除名即中

鄭宏降一級員外郎即賢主事脩珍俱調外襲為吳鄉人又

善吳子翰林侍講龍素善襲及侍讀焦芳襲至通州留數日

芳等為通張旺輩作奏及襲引狀上令吳等對狀吳自服

落太子太傅左右侍郎耿裕黎淳並罰俸

壬辰汾川王貢鏞進封肅王

癸巳都督僉事劉罷卒臨淮人世學夏左也衛指揮僉事

甲午免鳳陽去年秋租六十六萬三千

七百餘石

乙未命戶部清理畿內莊田

戊戌命鎮守貴州太監張成總兵官都督僉事吳經右參將

都督僉事彭倫等調兵討清平都勻苗賊初巡撫右副都御

史謝景請徵四川湖廣近衛官軍土兵四萬餘人勅曰苗賊

肆惡出師撲滅臣計也第念前此亦嘗興師致討屢以捷聞
然大兵方出賊覺即逃及其甫歸蹶梁如故蓋緣苗性靡常
依險負固貪功之徒未及傷及無辜爾令詔諭諸夷何久聽
撫化又復攻圍搶殺是何堡塞軍民與爾有仇明白訴告照
依夷俗體例為爾處分如賊執迷不從即於貴州屬衛及都
督僉事彭倫所轄衛所再調官軍土兵一萬密切討賊務出
萬全勿墮敗計若畏感輸服即仍撫定庶不濫及無辜貽患
鄰境

己亥以漢陽劉家湖稅課給襄王三年

壬寅太僕寺少卿王景卒靈璧人成化丙戌進士授樂安知
縣治最擢御史遷通政司叅議名頗減

河南蝗

是月傳奉官四十餘人

五胡外犯大同指揮谷振追之中流矣

戊午刑部右侍郎侶鍾憂去

辛酉傳陞通政使蔣宗武為禮部左侍郎太醫院使任儀胡

廷寅張倫俱右通政

乙丑翰林侍講尹龍有罪除名并奪吏部尚書尹旻太子少

保免官時東廠官校發龍納賄下錦衣獄諸給事中張雄劉
清劉昇御史陳孜等文章劾龍并及是 上宥是令法司錦
衣衛逮龍及通賂通判王範經歷張燧於午門拷訊併得禮
部郎中劉紳兵部員外郎董寧同知朱紳按察副使何顯王
錦馮蘭獄上章是宮保勒致仕龍削籍範燧謫外劉紳等各
執問降官責侍郎耿裕等旁視阿默停俸三月紳尚書劉昭
也子科道官并劾昭 上宥之工部右侍郎談倫故善龍獨
不及罪官校復緝其糜帑事削倫籍太常寺少卿劉淳亦調
外以張雄劉孜等不早言各謫外

癸酉八月獨石城及洗馬林堡

六月戊朔故宮人楊氏贈恭僖夫人賜祭葬

乙亥勅諭群臣曰朕惟人君國治必先得賢人臣輔治必謹
奉法 太祖高皇帝創業貽謀百司庶務具有成憲 列聖
相承守而弗失朕繼統遵承夙夜兢 恒思人輔奈歲月滋
久文恬武嬉往 忽情玩法隳職僨事形迹敗露已寘憲典
尚慮尔群臣罔知儆戒以致名節不立勲業無聞國家何賴
焉特茲戒諭當各惕然奉公或內省有疚須痛自懲艾稱朕
求賢圖治之意

龍水縣盜起命總督兩廣右都御史宋旻撫捕之

已如福州興化地震

癸未陝西旱鼠食苗稼

乙酉申王府婚姻禁例

免應天寧國徽池安慶去年秋糧三十萬五千餘石

鎮靖堡把總侯紀遣卒二十餘人出塞牧馬值失六人

誅潞城知縣王濬初潞城有盜居一村嘗燻死其家十六人

聞捕之悉遁其家屬居村中莫誰何他日濬捕彰德盜皆潞

城村人因拘眷屬以致之盜晝至潞城下擄平人書其臂曰

為我語令速釋眷屬不且殺令濬懼出眷屬三十六人分食

於民各擁入土室燻殺之而縣輸賦於巡撫金多屬濬欲

治治人治人恐亡入京師發前事於東廠朝命刑部員外郎

蕭仲賢按之竟坐濬磔死濬先任御史有聲降縣丞進知縣

性強悍同刑有父子二人相語我則已矣如王令不亦冤乎

科臣聞之原問官自布政使而下悉降罰有差刑部侍郎何

喬新亦伏罪上諭法司曰刑重事也所司慢之其尚明慎

毋曠厥官有不敬繇是惟府奉

丙戌免陝西災租八十五萬三千三百餘石

武靖侯趙輔平輔字良佐鳳陽人世濟寧衛指揮使正統末
進都指揮僉事尋署都督僉事充叅將鎮守懷來累禦下天
順末營建功進後軍都督同知成化初征大藤峽賊功封其
年充總兵官征建州俘斬最進侯輔少俊辨有才幹喜交文
士故薦起自偏裨至大將南征北伐亦有勞效然功多矯飾
晚疾廢猶進方書求子任事為人所誚顧武臣能文自郭登
後獨輔矣追封容國公謚恭肅
丁亥巡按浙江監察御史劉魁被訐下獄降黃梅縣丞
已丑金星再書見

辛卯光祿寺少卿胡恭為寺卿

廢克城王府銀為庶人膺銀凌母擊兄居父喪酣飲禱城隍
不驗篝燬之有忤者輒剪其頭髮至是幽高墻除

壬辰守廣東珠池都知監左監丞党鈿提督廣州潮州

陝西大雷雨漢中府寧羗衛俱地裂十餘丈甯雞縣裂長三

里衛丈餘漂五十餘家

錦衣衛指揮理鎮撫司章瑾疏上不謹失引罪調南京

癸巳翰林脩撰兼校書傅瀚為左春坊左諭德兼檢討

丙申入涼州等衛

己亥寧河康僖王宮人王氏楊氏張氏段氏俱自經殉王贈夫人

南京太常寺奉祀朱昂有罪除名昂世守泗州皇陵

庚子太子少保戶部尚書殷謙被劾罷

夜金星犯井宿

辛丑吏科給事中潘洪秩滿吏部擬都給事中特令外補都

武知府

是月臨海縣大温台大旱

七月戊寧府石城王奠堵薨年六十謚恭靖

工部右侍郎談倫故善尹龍而不及罪至是廠校發其侵沒

官錢除名

壬子太常寺帶俸少卿劉淳以通尹氏降柳州知府

癸丑募人納芻粟於蘭州給餉

丙辰右春坊右庶子汪諧左春坊左諭德程敏政主試應天

鑄各門照出大小銅關防三十七枚

辛酉增設陝西寧羗州鞏略陽沔二縣

前少保吏部尚書兼謹身殿大學士商輅卒輅享弘載淳安

人正統乙丑進士第一授翰林脩撰己巳秋直內閣庚午進

學士壬申兵部左侍郎兼學士并左春坊大學士天順初除
名成化丙戌起原官歷令銜平粹簡重有大臣之器年七十
三贈太傅謚文毅

袁泰曰高公以三元超致宰輔己巳之秋頗著勞勩及再
起多所匡益惟易儲一事世多議之要之當以死爭豈以
進退為念哉元良萬國之本以密勿之臣坐視其易而不
能救又不能去固不得辭其責矣

廖道南曰予發練浦泛清溪艤棹桐江眺望文毅之廬高
峰回合千巖蜿蜒殆間氣所鍾也又讀國史見諸跡况

有大節於乎宋之王旦王魯宋庠俱以三魁致位宰輔若
文毅者視古先哲何愧耶

吳中行曰三魁華名三孤崇秩處承壽昭德兩宮間能順
以濟險河謂難矣馬鈞陽有云我朝賢佐高文毅第一信

哉

壬戌守備鎮夷甘州右衛指揮蘓洪追敗沒
增吉安府推官理刑

癸亥時順天蝗武清獨無是日蝗忽大至知縣韓倫禱之蝗
即經過不害也人壽之倫朝邑人貢士

丁卯太僕寺卿潘禮莞易州山廠
金蓋衛地一日再震戊辰又震俱聲如雷
戊辰廣西猺賊自正月以來累掠慶遠殺千戶二人
庚午降給事中張雄烏蒙府經歷劉昂姚州判官劉清石阡
府經歷以知談倫侵沒不舉也

壬申翰林侍講學士焦芳降桂陽州同知坐為指揮張旺草
奏也

癸酉朔巡撫江西右僉都御史閔珪降廣西按察使以不能
弭盜也

故興寧伯李震卒震南陽人襲
衛指揮使正統中征兀

良哈麓川香爐山功進都督僉事天順四年充總兵征武岡

黎平賊五年征兩廣貴州蠻進都督同知成化初征荆襄賊

進左都督後征靖州苗封有謀勇久在湖貴苗獠畏之稱金

牌李但貪功好進專事交結竟以是敗

甲戌禁太岳太和山樵蘓并復民間侵地

戊寅巡撫陝西右副都御史鄭時言五事盡誠敬以回天意

明理義以杜妖妄戒進貢以蘓民困息傳奉以抑僥倖重名

器以待有功詞多切直降貴州布政司左叅政陝西旱饑時

百方賑卹至是西人如失乳
太常寺卿顧珙請妻祭葬特予之
已外翰林侍讀學士李東陽左春坊左諭德兼司經局校書
傅瀚主試順天
壬午監察御史周洪坐薦潞城知縣汪濬降四川永寧宣撫

司經歷

癸未順天府丞董傑降肇慶府同知
甲申戶部左侍郎秦紘降廣西右叅政御史劉璧降鶴慶軍
民府同知高輔降福建鹽運司同知大理寺丞劉璪降連州

知州禮部員外郎楊察調漳州通判刑部員外郎袁弼調寧
州同知御史于璧降遠州判官張鵬彬州判官俱山東人謂

黨戶氏也

乙酉大理寺少卿吳原為寺卿

監察御史李政奏獄遺漏請洋縣知縣

丙戌署欽天監事禮部右侍郎康永韶以進曆訛字劾免

戊子以九江舡鈔三分之一給荆王半年復已之

己丑吏部左侍郎耿裕為尚書

甲午廣西按察使孔鑄為左布政使

金夜星犯軒轅星

丙申漕運參將署都指揮僉事都勝為署都指揮使充總兵

官提督漕運仍鎮守淮安

戊戌遣監察御史鄧序兵部員外郎費瑄勘貴州邊事勅曰

貴州守臣奏增兵討賊事難遙制命尔往察豈譽在戎或尚

可招撫即許自新如其執迷乃痛勦之母輕調大兵邀功債

事慎之重之時貴州總兵官吳經巡撫右副都御史謝景以

各處爛土等苗賊作亂議濟師兵部謂苗所攻不過一二寨

所殺不過二三人特大壩築城至爭田土未嘗遠犯而年來

累請勦何也上無之故有是命庠瑄至都勻清平果無實

狀遂撫諭之各聽命還奏參將彭倫智謀老成可任都督吳經太

監張成守備都指揮王通不能撫御之罪詔停通俸三月

己亥工部尚書劉昭改戶部南京右都御史李裕為工部尚

書巡撫蘇松右副都御史李嗣為戶部右侍郎巡撫雲南左

副都御史程宗為刑部右侍郎貴州左布政使章律為右副

都御史巡撫雲南

監察御史汪舜民巡按陝西奏獄失詳降蒙化衛經歷

免邸徐去卒夏麥十萬四千二百餘石

庚子免保定夏麥十萬石今夏夏麥萬餘石

是月傳奉旨九人

九朔外朔南京兵部左侍郎馬顯致仕上附批曰南京米貴

民饑尚書王恕奏贊機務無一策賑濟知其老劣矣可革太

子少保亦令致仕蓋恕屢諫忤旨也其直聲聞天下謠曰兩

京十三部獨有一王恕

甲辰江西布政使王克復為右副都御史巡撫蘄松

衡山縣地震

夜大星青白光自中天派近濁

克祀免河南今年麥四十一萬九千九百餘石

丁未左春坊左諭德林瀚展墓

署太醫院事禮部左侍郎蔣宗武院判董燦下獄免以收藥

材侵折金也

逮廣東左布政使陳選來京道卒嶺南苦鎮守中官瓊儋騷

然選嚴條約革和買減泛役市船司太監韋眷搭克供辦奏

乞均徭餘戶添採方物俱奉詔裁之番禺知縣高瑤發眷私

通番船沒其貨巨萬巡撫宋冕等皆不敢詰選獨獎之既屢

忤眷其年嶺外饑選便宜行賑眷目誣選矯制發粟意在侵

欺褒獎屬官志圖報謝遂命刑部員外郎李行會巡按御史
徐同愛鞠選俱畏眷不敢反異奏上遣錦衣千戶逮繫之至
南昌石亭寺卒翰林贊善張元禎殮以疏絡曰先生清苦用
時服其志也李行密遣人報眷曰陳選死矣初眷意選黜吏
張聚怨選偏令証証痛榜不承亦逮入京從獄中上書曰臣
聞周公四國之謗上疑於君曾參三至之言內搖其母豈成
王不明曾母不親哉口能鑠金毀足銷骨也竊見故罪人陳
選夙崇正學一蘊孤忱子處群邪之中獨立衆憎之表太監
韋眷通菑敗露知縣高瑤按法持之選移文獎借誠賢監司

激懦懲貪之善舉也宋旻徐同愛怯勢首鼠致眷橫行胸臆
穢蟻清高勘官李行顯指鍛鍊竟無左証臣本小吏誣誤觸
法被選并罷選無他心臣甘沒齒眷意臣憾選厚賂啗臣臣
雖昏彼寧敢欺喪眷知臣不可搖誘喉行等遠臣致理拷掠
彌日臣忍死無異行等乃依傍眷語文致其詞必知所云是
毀共姜為微舒詬伯夷為莊驕也選故剛正屈辱不堪憤憑
旬日嬰疾而斃李行幸死阻其醫療訖命之日家走報眷小
人佞毒一至於此安敢為天子郎官司寇曹僚臣擯斥罪餘
曠未田野百無所圖誠痛忠良銜屈而慮聖明長奸冒命披

陳尚謨天日不報高瑄成羽廣韋眷鎮守如故選字士賢臨
海人天順庚辰進士授御史敢言按江西改南京提學三年
遷河南按察副使亦改提學歷按察使廣東右布政使平生
古聖賢自待潛脩默會不求人知弘治初復官禮葬正德中
追贈光祿寺卿謚忠愍高瑄閩人景泰丙子貢士成化初言
十事請復景帝廟號至是成永州釋還卒於家

張元禎曰公有天下不可效之大節有足以濟天下之大
才有不可過於天下之大勇國家承平日久士多奄、無
氣節間有之而檢身之功或歎焉故其發之也不耀而其

持之也不恒如吾士賢則何可議哉則何可議哉

薛應旂曰予承乏兩浙學政過公里第見張繫跡不覺慚

然自失謂襲胥吏乃能若是昔孔明之季平廖立不是過
矣人死其不死矣彼韋眷不足責也宋吳徐同愛李行叨

冒襟裾顧甘心狗彘此又何說焉

庚戌免廣州去年田租十一萬六百餘石

辛亥成都地數震明日亦如之

壬子司經局洗馬羅璟調南京禮部員外郎時璟起復吏部
請補工責其闕久不補也

復岷世子膺鉅理事

初福建按察僉事楊俊專守汀州上杭兼覓漳南道備盜

夜月犯十二國代星

癸丑免順德府今年麥六千三十餘石絹九百餘匹

申寅巡撫山西右僉都御史邊鏞回院

岷州地震聲如雷

丙辰工部主事王純乞召還王恕云昔莊助論汲黯於漢武

帝稱為社稷之臣如怒近之矣上曰怒未有社稷功純何

得妄引命杖訊請思南府推官純仙居人剛氣勁節為百夫

丁巳兵部尚書馬文升改南京

庚申申定監生撥歷之制

癸亥減諸司辦事半年

乙丑重建洪恩靈濟宮成

傳陞錦衣衛指揮使黃英為都指揮使舍人黃佳黃蓋為百

戶俱內官監太監黃順親及家人也

命刑部左侍郎柯喬新往勘四川播州宣慰司楊氏初宣慰

楊輝嬖其庶子友欲奪嫡子愛諸酋不從輝矯奪大壩鎮筇

諸寨立懷遠宣化二長官司又割播州凱里五十二寨設安

寧宣撫司立友為使年十三巡撫張瓚輒為輝畫請旨會受
母死友母益橫專結凶黨誣受反交通唐王朝廷疑受故遣
喬新即訊友母子又贖金寶賂諸權貴欲喬新因受待命衆
藉為友游說必欲去愛喬新至盡得友子母奸惡罪

田汝成曰播凱之亂其初不過楊輝奪嫡之私耳妄一夷
酋上書誣人以逆兵部不覈實而遽許興師非徇情何以
有此張瓚欺君曲法造禍百年蔓延邊徼其後屢轉調停
不過分疆別省耳貸禍首而不究何以服諸夷哉

丁卯手勅改兵部左侍郎尹直為戶部左侍郎兼翰林院學

士直文淵閣

傳改右都御史屠滂於南京召致仕左副都御史劉敷為右
都御史禮部郎中高敞為順天府丞兵部郎中王祿為太僕
寺少卿蓋內有為之地也

是月傳奉官十五人

十月申朔乙亥杖御史楊澄李混於朝以失糾儀也

錄囚

昏刻大星白光燭地自大陵沓壁宿夜金星犯進賢星

丁丑吏部右侍郎黎淳調南京奪尚書耿裕俸時進士陸燾

擬鎮江推官以御籍乞改任部不為覆請也

己卯太子少保刑部尚書張鑿憂去

巡撫山東右副都御史盛顯致仕

庚寅吏部尚書耿裕調南京禮部改工部尚書李裕禮部左

侍郎徐溥於吏部溥仍兼翰林學士署大理寺事工部尚書

杜銘為刑部尚書禮部右侍郎謝一夔為工部尚書右通政

黃景為禮部左侍郎兵部右侍郎何琮為左侍郎太常寺卿

劉宣為吏部右侍郎翰林學士倪岳為禮部右侍郎巡撫延

綏右僉都御史呂震為兵部右侍郎右僉都御史邊鏞為左

侍郎右副都御史馮貫為大理寺卿

辛卯 英廟安妃楊氏薨

宥刑部尚書張鑿罪杖給事中李瓚趙竑呂獻於朝時軍職

犯大辟獄上誤寫其銜名也

夜月入鬼宿犯積屍氣

癸巳申廣西守卒失班之禁

夜月犯軒轅左星

酉丁湖廣左布政使黃紱為右副都御史巡撫延綏

中書舍人梁蔭本市民進奉得官夸尹旻之去實其力 上

閩之割籍
復建大永昌寺

己亥英國公張懋保國公朱永俱進太傅兼太子太師襄城侯李瑾定西侯蔣琬新寧伯譚祐昌寧伯趙勝俱太保兼太子太傅大學士萬安少傅兼太子太師劉吉少保兼太子太傅侍郎彭華為禮部尚書尹直兵部尚書俱太子少保蓋工手勅云

禮部主事龍騰霄更名壽仍諭京職奇名異字者併改之平陽府地震有聲

是月傳奉官十五人

十一丁未袁輅嗣廣平侯袁容孫

河南左右布政使吳節為右副都御史巡撫山東龍門千戶所地震有聲

己酉南京吏部尚書陳俊欽仕進太子少保賜勅唐成命僧道官仍考試入選

夜金星犯房宿

辛亥南京太僕寺少卿林鳳終養特改太僕寺

癸丑巡按廣東御史徐同愛等報占城國王子古來攻殺安

南所置偽王提婆苴安南怒來攻古來率千餘人走廣東崖
州命善撫之

嚴從簡曰按行人劉寅之本傳及各書所載前次請封者
槃羅茶悅事未有茶全茶遂及古來之名也據安南之奏
則稱茶遂弒茶全自立苴來又弒茶遂自立則茶悅未嘗
主占城也豈苴來懼有叛逆之名而以其父名誑我耶苴
來既茶悅之子越父繼統則置其父於何地我使陳竣往
封茶悅不得入疆事在成化十年距茲又十年則所云被
安南攻殺者又不知為茶悅為苴來也茶悅奏稱安南提

摩臣兄則當是茶全也豈苴來既弒茶遂而駕其禍於安

南耶今馮義悞封者又稱提婆苴其與苴來不知是二人

或即一人訛為二名也然安南侵逼之罪固所必有而占

城內亂之事亦不為虛今俱不可攷矣但黎顯奏章乃六

科日抄中錄出原文而野史多係傳聞則提婆苴必是苴

來之悞耳

甲寅沈坊嗣脩武伯沈祺子

乙卯行人王勉降四川酉陽宣撫司經歷勉以萬壽節上十

二事皆鄙陋上責其沽名

脩顏子廟

丙辰以敷餉大同各關多侵盜至三十餘萬遂停巡撫山西

大同都御史左鈺葉淇俸各三月下戶部郎中張倫叅政劉

忠叅議梁之麟副使雍泰徐諫僉事馬隆徐輝等獄

丁巳太常博士李振行入劾欽朱悌知縣劉纓李瀚張濬張

泰張璉王表王塘徐禮譚肅張恕為試監察御史理表等俱

南京

庚申夜月犯軒轅星

壬戌夜大星赤光燭地自天苑涿近濁

丙寅更定會試取士南數五十三人北數三十三人中數十

四人

丁卯左通政李孜省為通政使陳政為左通政元守直張璞

為右通政田景賢陳琬為左叅議

夜厚夏地震有聲

己巳始命錦衣官一人守登聞鼓先有婦訴冤自刎者

傳陞左通政施欽為通政使

免淮安鳳陽徐和麥四十三萬六千二百二十餘石

是月傳奉官五十三人

十 貳酉太子少保戶部尚書劉昭被劾革太子少保致仕初
陝西饑許翰粟授武職例不視事支全俸昭子綺納錦衣千

戶支全俸典鑾輿見劾

甲戌復趙府祥牧所官軍

丙子陳信嗣平鄉伯陳政子

夜寧夏地三震有聲

戊寅免吉晏

田租三十一萬九千四十餘石

甲申傳降橫州知州教毓元為河西縣丞去年毓元以進士

值星變應詔上言前史所載星變不一然未有聲而在日在

春王之正月在正月之元旦者去歲地震既正月二日今歲

星隕又正月朔元誠莫大之變矣 陛下脩省誠果至盡乎

群臣罷宴似矣大臣旋賜綵段未聞大臣與天子共理天下

翻以星變見賞初果媿之子然大臣恬然受之亦可嘆矣佛

寺罷建似矣何僧道神佛繪像之賜去歲林俊張鞞以直言

去國皆陛下悟其直而復其爵然所言之人猶偃然居位如

故節彼二人遠置南京至誠之道似不如此臣惟四事當警

懼而脩省者為陛下詳之大臣者朝廷之股肱多出於左

右之私雖廁具瞻實則漫無可否故天下大柄歸於內臣

致

燭薰灼傾動一時陛下方且庇之以為我之私人此內臣
日重大臣則輕然重者既挾其所重忽城狐社鼠之威輕者
又借功於所重為蠅營狗苟之謀則今日政事之隳紀綱之
紊是皆大臣失職之所致也臺諫者朝廷之耳目邇來選擇
皆取體之魁梧姿之後偉更不問才識始而選之既不精及
其去之又太甚又不見補使臺諫之位十有五虛是豈盛世
之事耶老佛者害吾正道邇來敬之信之欲賴以垂祐生靈
與則黃冠緇派終年和雨竟以致旱將以延壽則梁武宋徽
終焉賈禍此其不足信之明驗也名器者辨別貴賤邇來傳
奉之詔大起於內廷銓擢之權不專於吏部奇衰左道彼何
人斯亦得坐膺金紫之榮工匠藝術彼何為者亦得與吾縉
紳之列何后家何勲得世襲伯爵妃家何功得世為都督太
保滿朝內臣蔭子甚至寫道經獻異書冠帶無慮三千致使
飛金布羽捷進旁蹊遺寶囊珍巧趨曲徑聖朝之濫如此
胡浚民膏血以養此銅臭無用之物哉陛下於此四事改
弦易轍本於至誠則天變可回矣上卿其直留中後循例
放歸至是吏部奉旨遠徙之
內官能保使河南道橫又索賄邏校以聞降南海子淨軍時

中官斃人多不償死後遂為常
七酉趙承嗣武靖伯趙輔子

丙戌免梧州田租二萬三千五百餘石

夜月犯鬼宿

丁亥刑部右侍郎侶鍾降曲請知府太僕寺卿張海降鶴慶

知府俱坐尹氏黨又憂去以漕舡載其母柩也

戊子免順德府秋租萬一千七百三十餘石

夜月犯軒轅星

己丑南京大理寺卿宋欽致仕

庚寅免廣平府秋租萬四千九百三十餘石

辛卯免順天麥七千九百餘石

癸巳韓府樂平王冲焚薨年八十二謚定肅

乙未勅吏部嚴課大計

命廣平分巡海南道滿歲回司

辛丑翰林侍講學士李東陽憂去

五百餘騎犯陝西哈家壩都督同知廖斌等擊敗之斬十

八級

是月傳奉官十八人

是年鎮江知府熊祐奏革種馬尚書余子俊執奏止之

丁未成化二十三年

正月朔太原地震有聲

庚戌山南郊時大霧咫尺不辨

辛亥皇十一子祐楷生母恭妃楊氏

皇貴妃萬氏薨氏諸城人父貴縣吏謫霸州進女掖庭侍

上青宮機警善迎合遂負殊寵日廢吳后六宮希得進居

昭德宮後移安喜宮嘗男粧戎飾上益嬖之權閹汪直錢

能輩假貢獻弄兵竊權俱藉焉上郊回得訃震悼輟朝七

日謚恭肅端順榮靖堊天壽山西南

皇五女薨賜號長泰公主

甲寅吏部大計罷斥千五百十三人初省目四老疾罷軟貪

暴素行不謹至是李裕奏增才力不及以處遲鈍偏執者著

為令

庚申監察御史陸完等劾太子少保禮部尚書張文質戶部

左侍郎孫仁南京工部尚書胡拱辰巡撫兩廣右都御史宋

旻貴州右副都御史謝景湖廣右副都御史馮馴俱衰懦工
部右侍郎杜謙巡撫宣府右副都御史李岳寬理河道右通
政楊恭南京右通政徐九思俱奔兢南京刑部尚書張瑄工
部右侍郎劉俊堯糧右副都御史袁愷巡撫河南右副都御
史趙文博甘肅右副都御史唐瑜俱乏清譽戶部尚書李衍
褊酷太僕寺少卿王祿不愜輿論俱宜免 上曰張文質孫
仁胡拱辰謝景馮馴杜謙李岳李衍俱令致仕餘冠帶閑住
宋旻王祿仍留
荊州地震

辛酉命南京右都御史屠滸諭占城國王古來於廣東蓋古
來堅欲入訴朝議遣諭古來不如早歸以安國人仍檄安南
存亡繼絕之義故有是命

癸亥應天府丞楊守隨調南寧知府以李孜省脩却也
沂州地震聲如雷

甲子尚寶司少卿李溥乞恩命加左通政

乙丑免真定去年麥萬三千八百七十餘石絹六千二百餘

匹

三萬騎將窺莊浪告急命京營指揮使顏玉赴邊

丁卯南京翰林侍讀學士徐瓊為南京太常寺卿署國子祭
酒

戊辰巡撫鳳陽左副都御史李敏為戶部尚書致仕都御史
余子俊為兵部尚書南京吏部右侍郎王儼為戶部左侍郎
工部右侍郎賈俊為左侍郎南京右副都御史白昂為南京
兵部左侍郎左通政陳政為工部右侍郎右通政黃孔昭為
南京工部右侍郎

陝西廣西雲南左布政使吳楨孔鏞羅明廣西右布政使劉
斌大理寺少卿張錦俱為右副都御史檟巡撫湖廣鏞貴州

明甘肅斌河南錦宣府山西右布政使李器為南京右副都
御史總督糧儲

國子監司業費閻為左春坊左諭德仍司業事
己巳翰林侍講李傑為侍讀學士仍清黃

免陝西去年麥五十六萬三千一百五十餘石

庚午翰林編脩楊守陞為南京翰林侍讀故事編脩無南者
蓋李攷省遷怨也

免湖廣去年秋租九十一萬九千三百餘石

是月傳奉官二十人

二朝未朔四川右布政使周鳳為右副都御史總督漕運巡撫

鳳陽

甲戌免鎮江前年欠租十一萬一千六百七十餘石

丙子禮皇太子婚鴻臚寺卿張憲女

丁丑太子少保兵部尚書兼翰林學士尹直右春坊右諭德
吳寬主禮闈

己卯許試錄犯御諱下一字者不問貢士乙榜年二十五以

上俱就教職六年得鄉舉許會試

庚辰傳加通政使李孜省禮部左侍郎

工部奏直沽新河例三年一濬宜行巡撫都御史李田役率
六千人仍給口糧從之

壬午致仕巡撫湖廣左副都御史劉敷召至為右都御史敷
在楚無善狀以知人李孜省力也

癸未太僕寺卿吳原為工部右侍郎提督倉場翰林脩撰曾
考為南京翰林侍讀

洮州地震聲如雷

甲申遼東游擊將軍羅雄充右叅將分守錦義二城

乙酉左副都御史邊鏞通政司左叅議田景賢巡視大同等

閩

廣平衛地震有聲

丁亥吏部郎中曾鑑為右通政提督騰黃

戊子左春坊左諭德吳希賢為南京侍讀學士署院

己丑唐府真寧王還塲薨年四十七謚康簡

壬辰屢寇遼東

丙申光祿寺卿楊惇卒六安人

進士通敏有才

夜火星犯井宿

戊戌江西流賊萬餘人入廣昌縣

己亥傳召江西省祭官楊立授中書舍人直文華殿

是月盜入良鄉武清四川番賊入阜康城

傳奉官四十四人

三 丙午葬貴妃萬氏

丁未太子少保禮部尚書兼翰林學士彭華致仕

乙卯策貢士程楷等三百四十九人於奉天殿賜費宏劉春

涂瑞等進士及第出身有差

己未曉刻月犯南斗魁星

靈壁地震聲如風

壬戌翰林編脩教山檢討鄭紀為江西浙江按察副使

癸亥免山東去年災租

山西都指揮使李澄為署都督僉事

丁卯進士程楷蔣冕屈伸遠達黃穆傅珪萬弘璧倪阜華樂

吳儼李漢仲裴羅玘蘓葵鄭炤歐陽鵬伍符翁健之李遜學

鄒智石瑄李充嗣唐希介蔡杲毛紀劉丙任儀嚴价楊燾潘

楷選翰林院庶吉士右春坊右庶子汪諧左春坊左諭德兼

翰林院檢討傳翰教習

四 辛未太監鄭強平江伯陳銳兵部左侍郎白昂脩孝陵皇

陵

癸酉致仕禮部左侍郎楊宣妻王氏妬悍殺使女十餘人事

聞下宣獄贖杖仍致仕王氏杖五十

甲戌故大學士楊榮曾孫昂乞入監特許之

瓦剌養罕王將入寇以哈密罕慎報我憾之掠其刺木城又

與何力古多合謀犯甘肅且欲姻罕慎罕慎不從巡撫唐瑜

謂哈密力不支則將及赤斤罕東宜假罕慎以名使因臣節

拯卹赤斤苦峪上從之賑赤斤餘民米千石

乙亥免台溫處去年秋糧十六萬五千五十餘石

復開浦城縣銀冶

夜月掩火星

丁丑太常寺卿兼翰林院侍讀學士王獻卒獻字惟臣仁和
人景泰辛未進士選庶常授翰林編修脩撰左諭德壬辰進
學士丁酉少詹事戊戌遷太常性穎敏強記詩文多可觀與
商輅有連忌者造謗沮其進贈禮部右侍郎予祭壘謚襄敏
陳善曰襄敏官詞垣屢輯成書以潤色洪業黼藻聖朝雖
能謝作述其詞命之雄也或謂能恢其德度則才美又何
加焉

庚辰釋輕囚

癸未太僕寺卿潘禮為工部右侍郎理易州山廠

丙戌衛輝地震有聲

戊子上皇太后聖慈仁壽徽號詔天下

庚寅傳授鉤州人朱思四品散官思善黃白吐納之術

辛卯左軍都督同知李彬致仕子勳襲錦衣衛指揮僉事

指揮使顏玉還自甘肅謂「屢挫且河冰開難入也玉上備

邊六事從之

壬辰諭文武群臣曰朕憂亢旱虔心祈禳自二十五日為始

各加祇慎毋或迨違
翰林編脩劉戡為侍講

乙未犯大司射死守墩百戶王瑀

是月傳奉官七十餘人汰匠官半俸八十八人

五月寅東鹿縣昏刻大晦聲如雷尋青氣墜地掘黑石二

丙午巡撫四川右副都御史劉璋請贈謚宋儒延平李侗從

祀文廟下禮部

丁未河南左布政使李昂為右副都御史巡撫河南時多盜

庚戌錦衣衛正千戶徐安為指揮僉事安錦衣軍匠正統己

巳陷來歸

乙卯遣廷臣齎香帛分禱天下山川祈雨

代州天鳴再聲如砲

丙辰諭文武群臣曰上天示戒早久田枯民庶驚惶朕甚愍

之寬恤刑獄遍禱神祇雨尚未也寬未伸與用未節與困未

蘓與抑尔百官固上而屬下與朕已節減用度踈放官人尔

等各體朕心痛自脩省紓朕憂閔元元之意

丁巳開封河溢傷稼

戊午夜月犯木星

工部尚書謝一夔卒夔字大韶新建人天順庚辰進士第一授翰林脩撰歷左諭德學士禮部右侍郎和易平實篤於友誼惟遷尚書云得李孜省力可議也年六十三贈太子少保子祭葬謚文莊薛應旂憲章錄言閔珪之謂人謂一夔為之御人忌一夔者纂脩實錄遂併入云又當事以其嘗有謹安費以足財用之跡故以永昌寺難之辭疾不允遂忿懣卒鄉人少詹寺汪諧贊善張元禎皆同年也

庚申番禺新會等縣地震

甲子大同總兵官都督同知王璽脩邊三萬九千二百三十

二丈成

乙丑鬱林陸川等賊黃公定等三千餘人大殺掠總兵官安

遠侯柳景等分五路進兵擒九十三人斬千九百八十五級

賜獎勅

丙寅行人林塘張禎張文推官涂濤知縣馬良玉歐陽旦吳裕馮玘張鸞李澄汪律陳振李文吳秀蔣勛李厚徐富為試監察御史推官孫紘知縣周洪徐濬李端姜綰為南京試監察御史

六月己卯免陝西屯租十八萬六千四百八十餘石

命巡撫遼東右副都御史劉滂備糧芻賜朶顏等三衛時
首那兒等三萬餘騎掠大寧金山老河三衛被逐入關

徐州蝗

壬申南京吏部右侍郎黎淳為左侍郎

甲戌釋故廣寧伯吳琮遣戍

丙子逐私闖三千餘人

乙卯封同鎮周王貢鏞肅王原汾川王安瀆周世子寵濼遼世子

寵讓光澤王寵汕肅寧王榮渡通城王當泚東甌王奇淮河

東王聰澈饒陽王成鏗昌化王祐棟清派王見洹臨漳王

左軍都督僉事李英卒義州人世大同前衛指揮僉事

庚辰定武職隱匿舍餘久近之法

辛巳前南安知府張弼卒弼華亭人成化丙戌進士授兵部

主事自員外郎守南安有惠政文行並著

乙酉夜月犯木星

己丑除真人胡守信軍籍

乙未青田縣葉珠四歲能書求入國子監許之

七 庚子翰林編脩劉震為侍講

辛丑瑞安張天保七歲能書舉入京於禮部習書

乙巳兵部尚書余子俊入京復太子太保

都指揮使朱遠有罪免官

戊申封皇子祐杭興王祐楡岐王祐檟益王祐棹衡王祐

權雍王

南京戶部右侍郎李和卒和字本中安陽人天順丁丑進士

授吏科給事中質厚未嘗短長人父廢疾出入和負之雖久

不惰

己酉岷世子膺鉅嗣岷王

癸丑免綏德衛屯租

夜月食

乙卯太保兼太子太傅昌寧伯趙勝卒勝字克恭世永平衛

指揮使其封不以軍功時頗誚之贈昌寧侯謚壯敏

歙縣訓導周安上治安備覽四策多悞謬遣之

丁巳進萬安少師支二俸

戊午遣刑部官三人論囚兩畿江西

庚申暹羅入貢

故監察御史贈大理寺丞鍾同謚恭愍

辛酉詔京城九門復種苜蓿

癸亥起復兵部右侍郎萬翼為南京禮部左侍郎

甲子進宸妃邵氏為貴妃張氏德妃郭氏惠妃章氏麗妃姚

氏安妃王氏敬妃唐氏榮妃楊氏恭妃潘氏端妃岳氏靜妃

丙寅右僉都御史張悅為工部右侍郎

丁卯故南京禮部左侍郎章綸贈尚書謚恭毅

是月傳奉官四人舊減俸半支許全支者五十餘人

八朔辰朔襄城侯李瑾偕朱永提督十二營

庚午前南京工部右侍郎劉俊卒寶雞人

甲戌夜月犯心後星又大星青白光自中天派近濁五小星

隨之

己卯定西侯蔣琬卒琬字重器江都人少敏慧獵涉書史好

吟咏然尚氣挾詐追封涼國公謚敏毅

庚辰上不豫

壬午究治天下諸司偽吏

甲申命皇太子攝朝文華殿

戊子上大漸召皇太子至誨諭備悉

己丑上崩年四十一遺詔諭文武諸臣

李維禎曰詩有之靡不有初鮮克有終人情哉純帝初

載亦何其斤一也中官幸禱祠繁而治蕝矣錢后之祔
廟食景帝之復位號此兩者雖甚盛德茂以加已

鄭曉曰帝仁恕英明少更多難練達情理臨政蒞人不
剛不柔有張有弛進賢不驟而任之必專遠邪不亟而御
之有法值一寇數侵邊惟遣將薄伐不勤兵以竭我財力
亦離散內外寧輯荆襄崩海時有寇竊推轂之際戒勿
妄殺或不用命賞罰兼行崇上理學褒封儒賢江淮大祲
截漕賑饑星文示變側身省過臣僚進諫即涉浮偽時有
于忤薄示譴誦旋蒙牽復若乃尊禮孝莊追尊景帝

保護汪后褒恤于謙其於愛憎恩怨絕無芥蒂帝惇然
於天理倫彞者也以故雖屢有慧孛之災而國家康靖有
繇然矣

何喬遠曰上聰明仁恕淵默勤恭孝事母后如古帝

王郊廟齋祭必極誠敬景皇帝嘗有封沂之命未嘗一
語及之委任大臣略無猜忌或即干紀屏斥無疑一聞四
方水旱戚然下所司賑濟或輦內帑給之重惜人命斷
死刑累日乃下夙興視朝但遇雨雪輒放常參官而不廢
奏引陰寒盛暑或減奏事以恤衛士侍立之勞間有游豫

不出大內如南園。祖宗時不廢游獵。上未嘗一幸焉。
時御翰墨作為詩賦以賜大臣。諸司章奏手自披閱。字畫
差錯亦蒙清問。臣下益兢業職事莫敢或欺。蓋上以守
成之君值重熙之運。兵革不試。萬民樂業。垂拱而天下大
治矣。
談遷曰：邱饑察冤求言。課吏先後。史不絕書。而於胡僧幸
闕斜封。墨勅之濫。亦不能為。帝掩也。當其時朝多耆德。
士敦踐履。上恬下熙。風淳政簡。稱明治者。首成弘焉。而或
有遺議。則汪直李孜省繼曉輩蝕其一。二於全熙無大損
也。尺璧之瑕。烏足玷。帝德哉。末諭。太子以敬天法祖。
勤政愛民之道。儼然周成之遺訓也。說者謂。帝初欲易
儲以太山。屢震而止。噫。帝能尊。錢后復。景帝俱事
出常情之外。而乃輕視。東宮必不然也。

山... 山... 山... 山... 山... 山...
山... 山... 山... 山... 山... 山...
山... 山... 山... 山... 山... 山...
山... 山... 山... 山... 山... 山...
山... 山... 山... 山... 山... 山...



程